

溫  
州  
經  
籍  
志

溫州經籍志卷二十九

瑞安 孫詒讓 編

集部

別集類

明

趙氏

士楨

東事剩言

一卷

千頃堂書目二十六

未見

續草

一卷

千頃堂書目二十六

未見

陳氏

瑤

石屋先生詩

汲古堂集

佚

何白序今人稱詩者無論五都之市卽十家之聚亦不乏人莫不沾沾家寶火齊而櫝珍木難標樹靈蛇而品目繡虎首簡不必授之見解論列不必見之精覈卒多游詞無規有頌以序求詩弗尋也以詩求人弗得也茲道於是不競矣余自弱冠遊海內海內人士操詩者雲興霞蔚類多標撮菁藻步趨時好卽之非不雕繡華縟於古法未有合也犁然當於余心者抑何寥寥彼其驚於外境故不足於內天機淺人欲深其不謁於古宜也余鄉陳石屋先生少負清操授徒里中垂四十年幾令華陰成市而玄散高勝之韻超然物表昔人所謂宅不彌畝而志忽九州形居塵俗而心棲天外隱不違親貞不絕俗則先生其人也故其所撰結多清華蕭曠語瀏而不浮沈而有致境真趣遠出自胸臆不假譏擬卽象天隨意匠有餘生動不置讀之如吸雪山酥酪如嚼哀梨瓊蕊

快當何如先生雖浮沈閭右乎吾知其詘於今而贏於來世也必矣若  
彼操技取償目前者以先生眊之直蟻蠓耳先生當不以此易彼居其  
實不居其華蓋先生得之柱下之旨云汲古堂集

胡汝寧雁山志四陳瑤號石屋儒士樂清人

道光樂清縣志八陳瑤少聰穎好山水所至有題詠稱石屋山人

項氏

守祖

潛蓬集

乾隆溫州府志二十七

佚

曼衍集

乾隆溫州府志二十七

佚

東甌詩存二十八項守祖字叔定永嘉人

項氏

敬祖

季輿稿

乾隆溫州府志二十七

佚

何白項季興傳項季興名敬祖鄉先賢大參甌東先生孫爲齋公之季子也季興少負蹻蹻之才少年豪甚雅不喜以一韭一壑自多乃攜妻孥僦居金陵季興名家子而又善詩賦投壺六博是以交知遍寓內類皆有重名當世者在枯蒼則李鐵城旭山何賓巖鄭崑巖諸公善在永康則王衛尉左史伯仲善在蘭陰則胡元瑞父子相得甚驩在武林則施虎泉李岫樓善在樵李則同宗項少溪墨林玄池善在金閶則周効海王百谷俞安期及三張諸人善嘗一再過弇園訪鳳洲麟洲二先生二先生雅與季興尊公爲文字友深喜季興能以詞翰世其家在金陵則陳橫巖姚秋澗張白門邢雉山善時莆中方詡菴爲水部郎雅詩豪酒乃埒季興及周鴈山諸君結白門社日以奇語險韻相角爲快也里中大老二谷四谷侯公陽谷王公皆季興父執時引季興爲忘年交其投贈寄懷諸作悉具季興家集中

姚氏 虛煥

山居稿

咸豐永嘉縣志二十七。乾隆溫州府志二十七題張虛煥誤

佚

東甌詩存二十九姚虛煥字龍文永嘉人

咸豐永嘉縣志二十七姚虛煥山居稿府志云永嘉張虛煥著而康熙縣志作姚虛煥從之

案姚龍文亦何丹邨詩友汲古堂集十八壽姚龍文詩第一首云詞林弱冠其論文跋扈飛揚總不羣名後入廚難借客禮先一飯獨推君則龍文年長於丹邨又第二首云南皮賦客秦公子北面門生漢小侯注龍文爲壽寧侯西席是龍文又嘗爲張鶴齡館客東甌詩存二十八載邵青門讀姚龍文集有感詩云曾記同傾老瓦盆品題今古語猶存土花時泣秋原鬼野草難招夜月魂茅屋誰尋盧處士錦囊空惜李王孫淒涼莫抱千秋

恨邨壑由來道自尊蓋龍文老於布衣也

何氏

白汲古堂集

列朝詩集丁集十五作汲古閣集誤今從千頃堂書目二十六

二十八卷

千頃堂書目二十六

存

選學齋藏明刊本乾隆癸未永嘉高氏刊本

予往爲何无咎序山雨閣詩

大泌山房集十三作余往序何無咎詩

以吳越布衣中無輩

諸人口譁而

大泌山房集無此字

心服者半已无咎游楚登玄嶽諸賦記出讀者

服十九比无咎游秦覽百二山河按行諸塞文益富且奇於是有汲古

堂集而後人

大泌山房集作人人

誦服以予言非妄予於古未深窺第以唐論唐

詩推李杜文推韓柳四君子皆六代後人也六代詩文纖靡俳偶風流

結習四百餘年李杜韓柳歸於大雅成一家言人知四君子之不受變

於

大泌山房集無此字

六代而不知四君子之善用六代也詩文大指

有四端言事言理言情言景盡之矣六代而前三唐而後同此宇宙爲

詩文者

大泌山房集無此四字

寧能外事理情景而

大泌山房集無此字

立言惟夫

大泌山房集無

此理與情有強造事與景有附會誇多鬪妍於字句閒而纖靡俳偶之

病生焉四君子於六代得其蘊蓄采其精華詩去纖靡文去俳偶故臭

腐化爲神奇而笑罵皆成

大泌山房集此十二字作撥亂反正之功與開物成務者相似十四字

文章无

咎

大泌山房集無此四字

詩宗李杜文宗韓柳其所損益因革擇之精守之不變

故四君子超六代而无咎踵武四君子以此夫李杜不足於文韓柳不

足於詩无咎兼之又善用四君子者也或曰无咎以汲古名堂唐人寧

足盡古陸士衡不云乎

大泌山房集無不字乎字

世閱人而爲世人冉冉而行暮人

何世而弗新世何人而弗故四君子掃除六代蹊徑於唐若

大泌山房集無此字

自爲古无咎別立三唐闢奧於今若

大泌山房集無此字

自爲古其致一耳後之

視今猶今之視古必不以予兩喜多溢美之言矣萬厯歲在乙卯大泌

山人李維楨撰



永嘉何无咎先生別三十六年往矣百尺樓上客半已化作晨星獨无  
咎詩境文境氣吞千秋名走四裔與魯國之靈光陳留之耆舊也先生  
雅好奇游嘗賦兩京溯三楚高陽池畔天柱峯頭流杯尙旋題名未薈  
已而入潼關搜訪秦宮漢闕復從大將軍出獵抄磧中眼閃電光弓鳴  
霹靂擁紫貂裘噉蒲萄酒醉草軍書露布數十通名王解辦於前小隊  
擁歌於後洵豪舉矣歸而偃息於東渚之上草堂花嶼映帶林垆宵竹  
鑲而月淡曉松沈而霧黃笙發子晉之臺丹留宏景之窟芙蓉負展雁  
瀑跳珠不以籬落據之井竈役之則以勝情勝具收之異人異書享之  
將迎旣謝簡傲日休鵬運殊勞龍臥乃適收視聽於匹羊之境發鋒鏑  
於逐鹿之場屋住兩頭樹穿雙膝箋仲長樂志論詠謝朓驚人詩精麗  
沈雄迴絕時輩昔何萬倫養志衡門耑以簪述爲業何子平敦厲名行  
暗室如接大賓小山兄弟都無宦情通夫衣冠悉復古製方之无咎非

特蔭映東甌抑亦總持先覺多根難朽英彩羣飛可謂竹樹繞鐘球之音猿鶴披鵝鸞之色矣自來隱人游士蹊徑不同苦樂亦異彼談天驚地炙轂智囊絮言詬語沸於蜩蟬之鳴戀秣仰芻渴於牛馬之走不知荷蓀抱瓮者早倚一邱而睥睨之惟无咎早年悟道故晚歲得遂沈冥燕語鶯囀無非談道蠕言螳動卽是教兒傳家積等身之書垂世有副山之草日與孝廉君父子相師文行相砥皆王謝後不死人也予終日垂幰讀易身如繭蛾無復飛動意今眞汲古集一卷於案頭裹以異錦薰以名香覺大羅太玉與望衡對宇相似豈必絆野客青鞋從无咎爲台蕩碧落之遊哉友弟陳繼儒頓首撰

吾甌諸前哲之有集者自宋迄明凡四百餘家今存者十無一二計此四百餘家卽不盡可傳披沙揀金拔十得五豈無可以追配前良者乃皆灰飛煙滅并姓氏亦在明晦之間則豈非文人相輕不甚愛惜如歐

公所云草木榮華之飄風鳥獸好音之過耳而又無好事者爲之肩任以永其傳而致然歟何无咎先生汲古堂集二十八卷梓行甚久據陳眉公簡云汲古出自手選則此集爲先生自定無疑而李本寧所序山雨閣詩原刻今已無傳意必并入此集矣第流傳未廣板已漫漶不全先君子嗜學古先嘗欲重刻而未暇也方今

聖天子追賡歌喜起

之盛旨詩教廣厲學官一時揚扈風雅者開文選之樓慮無不家玉海而戶珠林選跼伏衡茅無能爲役竊以爲維桑維梓必恭敬止先生擅名隆萬閒觀其與王伯度書則其生平宗趣可知乃遺集具在使聽其日就湮沒承學者之恥也顧及今不廣其傳則亦與前所稱四百餘集者等因捐貲重付梨棗自癸未仲春迄甲申孟夏而告竣匪敢自功抑旨承先志耳至於詩家例有年譜先生旣不自輯而亦無他紀載可以約略未免遺憾姑俟之博雅者時乾隆二十有九年歲在闕逢涖灘後

學高朝選謹識

乾隆永嘉重刊本跋

曩余從繆蘭皋夫子遊同人相角藝者惟魯竹軒尤豪其爲文不施羈勒則酷嗜鄉前輩何山人集山人者明隆萬時何无咎先生也有汲古

閣

案當作堂

集詩二十二卷附以襍箸六卷竹軒語余云汲古詩有雄視一

代之概特吾甌地僻瀕海而山人又不求榮達其時於鱗元美強臺獨上迭主齊盟脫以山人出而馳驟其間當亦如蘇長公視山谷爲畏友也予歸其言戊寅予應薦北上需次京邸憶竹軒語索山人集閱之不得走而覓諸坊閒惟長州歸愚叟選前明別裁詩錄七律一章非其至者客歲聞先慈訃匍匐歸同人來唁余詢及竹軒曰以之矣爲不憚者累日偶於中表鄭春潭家晤其戚董君滙川問竹軒家世暨嗣君曰竹軒子名振彬年甫就傅在家校山人集梓之余曰異哉何其有乃父風也曰非也迺竹軒志耳竹軒以不能就有司繩尺援例貢成均棄舉業

而耽於詩時手山人集諷詠不輟柰其板漫漶擬出橐金再鋟之以未  
獲善本而沒彌留時屬其子曰汝克承我志我無憾也振彬乃商之子  
予亦樂憇愚之爲蒐善本訂其舛補其亡倩人繕寫之而付之剞劂氏  
今將告竣矣先生爲竹軒友盍一言余曰余何言山人之集萌祗風騷  
履綦前代足與李王諸公抗衡余譎陋不敢知亦不敢言言者特我竹  
軒志焉耳我甌詩學盛於南宋四靈傑出於范陸尤楊外別豎一幟今  
讀清苑齋芳蘭軒葦碧軒二薇亭諸詩鈔寥寥爾詎當時惜墨如金以  
少許勝人多許耶抑去古遠風雨蝕之兵燹殘之第留此吉光片羽耶  
竹軒有見於此嗜之篤故不覺慮之深也且我又幸振彬之善承志也  
蓋若翁一生瓣香之所在亦可因之而不泯焉竹軒其不亡矣乎承董  
君命敢以一言弁首道光十六年歲次丙申夏五王錫瓚慶侯氏撰

白自序武陵楊脩齡侍御巡鹽至甌索平日著作令縣尹莊以鹽法義金刻之凡二十八卷名汲古堂集續稿稱是

咸豐樂清縣志八

靜志居詩話汲古堂集原亦出於七子頗與俞羨長相近

明詩綜六十三

案丹邨何處士白雍正浙江通志隱逸傳乾隆溫州府志咸豐樂清縣志文苑傳並有傳所著汲古堂集凡詩一千五百單二篇禠文一百一十篇其詩才華富麗雖師法李何而尙無摹擬庸廓之弊且其生平遊跡徧天下所與酬酢如王世貞胡應麟梅鼎祚俞安期王穉登諸人多一時勝流晚年歸隱梅嶼以詩酒終老故其意境超曠亦無明季山人猥蕪之習集中與王伯度書論有明一代詩派謂高季迪楊孟載劉伯溫徐幼文諸子無不矩矱全唐獨運胸臆近體不無中晚纖弱之調尙沿元季餘風至北地信陽攔然爭雄斯道爲之一振何李骨力雖較矯

勁究其深詣未必遠勝高楊諸子嘉隆之際作者七人嗣後宗派既襍秀流潰出弇州王直欲體具百家苞括今古或云太貴富贍詞多填寶求其風雅相宣情境互暢較之唐人有閒矣濟南以高華嘹唳取勝第語過清空意少變化一時聲附聲靡然從風無不速肖於是詞家徒知厭薄標剝輩又漫不知宗旨所在乃各立壇坫務標一幟此道不復歸一無論古法卽何李宗派亦不可續矣然則丹邳論詩固非專宗七子者

## 續集

闕

樂清董氏  
臧鈔本

山雨閣詩

李維楨汲古堂集敘。乾隆溫州府志二十七道光樂清縣志十一並作烟雨閣集

未見

李維楨何无咎詩序今山人稱詩者所在不乏余或不識其人卽識其

人或故爲博士弟子員或入太學上舍於山人名義不類而交遊中若  
吳人王承父葉茂長曹子念方仲美俞羨長皆布衣崛起無所因藉稱  
山殊富而又皆善詩以爲吳多才天下寡二晚得永嘉何无咎其爲山  
人與五君同而詩奄有五君之勝余讀之竟日而後卒業乃大歎咤曰  
子越人何子之詩之似越也方越棲於會稽至迫阨矣而卒能沼吳而  
有之子之身貌中人耳濱於東海之陂而青逼之與同階擱然起而與  
吳作者爭雄其英槩同也越十年生聚十年教訓田野闢府倉實居有  
三年之食而後能舉事子上下今古三百篇之溫厚和平離騷之淒惻  
篤志兩京之渾樸建安之高華六朝之工麗唐人之秀朗靡不饜飫而  
枕藉之於以發之觚翰銳若干將豔若館娃瓌異若金閨殷賑若長洲  
之苑峨拔浩瀚若洞庭太湖之高深其蓄積同也越早朝宴罷臥薪嘗  
膽填左闔以土側席坐而不掃其趨時猶救火追亡人蹶而赴之唯恐



不及子之爲詩也自爲童子而已極力篆刻鑽研晝夜忘寢食冬夏忘  
爐扇妻子忘饑寒九天之上六合之外何所不馳騫焉魂悅惘而若亡  
體疲薺而如榴其刻厲同也越將有事於吳三徙舍五布令而斬有罪  
以徇汰其筋力不勝甲兵志行不足行命者而中分其師以爲左右軍  
以其私卒君子六千人爲中軍故衡行江表莫能與抗子之詩氣不欲  
沈格不欲卑語不欲凡韻不欲乖大小不奪倫始終不錯度繁而有法  
逸而有制大歷以下卻屏而不得御其精整同也子誠越人哉何詩之  
似越也而客有爲吳左袒者曰君奚隆於越夫吳五君亦勦敵矣承父  
天才絕出超忽飛動不可端倪子念茂長興象風神格調音律種種具  
足仲美好深沈之思調若方而意則圓景若淡而致實濃羨長閔大雄  
奇如淮陰用兵多多益善是甯易與耶余曰不然无咎善用吳者也吳  
自弇州集詩道之大成而諸君羽翼之諸君於无咎禮一飯如茂長者

業已爲古人矣无咎年甫三十日力暇給而柯則不遠五言古風不茂  
長七言歌行不承父五七言近體不予念仲美長律不羨長必不以其  
樸示人宜五君之爲无咎有也夫不聞孫承祐之宴客乎一旦而得西  
粟東蝦魚南螭蚌北紅羊小有四海矣就山人而論无咎之奄有吳亦  
猶是也吳何病越客則又起而譟曰越亦大矣無論他郡永嘉不腆山  
人而稱詩有康裕卿洪從周亦君之所知也奚隆於无咎余曰不然永  
嘉美山水以謝康樂之雋嗜爲守且久遊徧諸邑所至爲詩詠而鴈蕩  
不與焉懷素亦言自古圖牒未嘗齒及鴈蕩鴈蕩晚出而名踞永嘉諸  
山水上凡物之成名也先後各有時安得謂古人必勝今人今人必遜  
古人耶客唯唯无咎避席而謝曰先生過譽白白何足以當諸君請得  
畢狗馬之力從事於斯以無負先生今日之言

大泌山房  
集二十四

咸豐樂清縣志十一何白始刊煙雨閣集又有汲古堂續集未梓行

案山雨閣詩蓋丹邱少年所定詩集汲古堂集二十七卷鄒吏

部季如書云尋索近稿繕寫未遑謹以淮肥拙刻一種呈上不

知卽此集否舊府縣志作煙雨閣集誤汲古堂集三有山雨閣詩

榆中草

湯成烈繕雲文徵十四

未見

鄭汝璧序永嘉何无咎善詩而不有其詩詩膾炙人口紙爲貴而无咎自眎欲然人齒及其詩輒遜謝何有也曰余方逃虛而未能爲虛安所事此謂余乎一日余邀至榆林索全稿付劉氏固弗許然時爲詩得若干首靡不雄渾奇麗駿駿風雅余爲梓焉非其意也余卒業而歎焉夫詩道性情虛也而境實以虛傳實實亦虛爾百竅號而泠然濟也風於何有三百篇閒出於巷謳閨詠莫知其所以然而然歷千億禩而可繹思則實以虛永耳世人藻繪其詞卽意得色滿以有徇之而莫覺亦未

審於虛之妙矣无咎能詩而中虛不自有其詩所謂進於技者非耶余不能詩而閒爲詩无咎輒賞之從與災棗余亦聽之夫聽之者以爲非詩而不有焉者也其致一也余游倦矣足跡大半天下它無論論漈之東偏永嘉清淑九斗二鴈孤嶼之勝甲於寰中卽下邑仙都碧水丹山奇峭自謂過之无咎歸余且取次往相與結方外之緣花晨月夕其有言耶無言耶所不敢知而實際於虛以毋忘今日之盟則願與无咎勸之爾矣因題數語簡端證之它日

縉雲文徵十四

案道光樂清縣志人物傳引丹邨自敘稱膺縉雲鄭崑巖中丞聘校山庠堂全集鄭開府榆林與四明金伯庚同修榆志暇則校獵大磧中刺肥割鮮極燕集之盛以汲古堂集攷之蓋萬厯甲辰閒事榆林草卽其時所作鄭刊本今未見其詩散見汲古堂集各卷蓋編定時已全部收入矣

柯氏榮

歌宜室集

汲古堂  
續集

未見

何白序余少孤露年十六七輒能操筆爲詩歌刻燭累千餘言淋漓自  
喜所稱畏友者則必歸之茂倩茂倩髫髻負絕世之姿天慧夙成時里  
中諸子集爲詩社茂倩閒出一篇奇語輒驚人余每爲之心折退然自  
廢余旣自傷士懣軻失職徒託詩酒洗腆以自豪適足取譏流俗耳乃  
爲書規切以抵茂倩若謂居今之世不從制科肄業以自媒卽抱屈宋  
淵雲之才冀以逢世難矣以君之才亦將託詩酒以爲豪耶且母氏在  
堂顧非祿養無以佐太夫人歡茂倩憬然悟卽下帷覃精時義而義輒  
工每試冠多士時大梁劉公以侍御史出守東甌雅好士引君爲上賓  
政暇則賦詩爲樂嗣晉江陳公寵禮尤異敦請入郡閤命二子北面受  
經時時爲太夫人具甘膳君日有餘晷以十五課經義十三修古文辭

部使者與郡守相有撰結必得君言而後稱善君屢赴棘闈輒罷歸今  
且貢澤宮駸駸及艾矣乃哀其前後所著詩若文將授嗣氏函以示余  
曰昔人有言早知窮達有命悔不十年讀書使我不矻矻窮年作老博  
士庸詎知不與子齊軫並驅角逐中原以割千秋之聲乎曩規我我能  
受子之規而不能譬子之望今所就止是子幸爲我序之子卒業樂府  
渾質清遒上邇漢魏以逮六季閒記時事綜以古辭居然太上風謠古  
選清栗倩蔚出入黃初永徽之際純如也歌行近體豪蕩奔放高華巨  
麗絕句翩翩風致置之青蓮江寧未易甲乙古賦則潘陸之亞襍著取  
材旣博摘藻特精固已苞括眾美力追作者之奧已余精日銷以所著  
不逮茂倩遠甚則退然自廢如故也頃今上闕門攬雋超格用人君抱  
素蘊入對大廷則金馬石渠之列若取諸寄昔公孫弘以晚晚遇主而  
身都卿相矧君年力方壯持梁齒肥茲其時哉若然則余請得爲鄒長

倩卒寄書以爲君規竊附古人窮交之誼君將無脫粟而飯餉故人耶

茂倩爲輟然遂錄其語以爲引

沿古堂續集

東甌詩存二十六柯榮字茂倩永嘉人著有歌宜室集

甌乘補六望江樓甌劉郡伯建據一郡之勝柯茂倩集詩云南國棠陰

幾樹秋里人猶說舊諸侯風流何處留遺跡一帶清江數倚樓

原注柯榮歌宜

室按郡伯爲誰集中又不載其名維時溫太守有劉芳譽或卽其人與

否侯考 謝康樂舊遊處臺榭無復存者張比部爲構水亭疏流累石

遍植花木有小臺前對華蓋山城內外綠墅清流盡入目中柯茂倩有

遊謝池亭臺寄張比部詩序同按比部爲誰集中亦不載其名

呂氏

仲璞

碧澄閣集

乾隆溫州府志二十七

佚

北游集

沿古堂續集。乾隆溫州府志二十七集作草

佚

何白敘昆陽當宋季則有太學林德陽先生以詩倡東南先生宋之遺臣故其所感忠憤侘傺紉思則極九歌之悲激取格則體三唐之委婉越三百餘年則有吾友元輝呂君接武而興若旦暮遇之也元輝弱冠游太學聲藉藉於六館閒家本素封心遊物表不以溫蠖嬰懷乃於邑之東偏構碧澗閣挂葛嶺於簷楹浮湖光於几席釣磯曲廊出沒點綴於烟波中元輝日下帷雋飮醕酣發於篇章類皆瞻蔚玄暢清真境興趣融物隨心會妙詣開元大厓之奧以吉劉駕部業已爲序而傳之通都茲北遊集則元輝以今上改元之歲浪拽北征憑軾金陵以達燕邸登高弔古感慨興懷一以寓之篇咏不無勃鬱牢騷慷慨悲歌之氣譬若四時之序春華秋實相嬗於前景以時遷聲亦係之者矣夫元輝生當休明之代含毫揆藻亦足以備柏梁登歌之副顧時無楊意遂令咫尺



尺天門不得一發明主凌雲之嘆識者或惜其才而傷其遇雖然當漢  
方事匈奴卜式輸財助邊卒能馴致公孤顯名當時及至封禪終以不  
文見貶今以元輝脉之直一賈豎子耳然元輝篇具在未能上邇

至若氣挾風霜音諧金石與德陽分路揚鑣未易軒輊則元輝所得  
不已多乎余固不能窺元輝謬爲元輝所推敢爲論列如此不識元輝  
以爲然否汲古堂續集

邵氏

建章

維寶堂集

千頃堂書目二十八○東  
甌詩存二十八作詩集

未見

何白序余弱冠稱詩竊自幸與吾友邵少文生同時居同里聚首歡暱  
靡閒也垂五十年少文奪於功令者十三余奪於旅食者亦十三閒晤  
輒亟索所爲詩一再諷未嘗不氣索歸發吾篋直土苴耳已又恃其勝  
氣思一當壇坫往往得自奪以濟其嫺是則少文夾持之力居多少文

少具異質於書無不讀聲詩之道尤入玄解跡其所譔結五言古選匠神建安游颺之什時時闌入顏謝七言歌行若飲馬長城脫鞋從軍流螢諸作足與子安延清分路揚鑣若徵兵行雙虬歌送余之榆林鴻門蒼麗悲壯杜拾遺岑嘉州兼長矣諸體各臻妙境尤令人莫可窺測顧少文久困諸生生長一隅高簡骯髒雅不善游卽聞少文名欲亟索少文詩了不可得余屢諷少文龍泉太阿貫斗燭天世稱茂先誰耶安能必俟異代子雲少文則道然弗屑也李太史本寧偶見半石齋稿亟爲序其端而傳之少文絕不以示人蓋其韜耀不炫如此茲少文兩甥某私以授梓題曰維寶堂集諸詩具在當知余語不佞矣

慎江文徵二十八  
汲古堂集不載

劉康社邵少文詩序吾友邵少文奇雅特立人也頽然人中沈思遐想口角哦聲一縷欲絕與人不相接接之而非神契所向雖華膺人猶不以接也然而無刻厲怒張之氣一與神投捉臂傾倒經史仙佛之旨風

騷山水之趣洞抉靈祕振落吻齒不復期期艾艾鬚眉襟袂皆餘潤拂人矣其於詩也亦爾少文成諸生卽厭諸生胸中萬卷書情鎔性冶悉歸之於詩夫古本選律本唐不謂少文不稟於是而采摭入之肺腑出之語必典事必愜韻必詣清綺圓潤真至調馴如西子湖中雖非溟渤動搖天倪神鼇抃搖三山之洶怒而春林朝霽秋月孤懸林鳥一聲水面縠起絃桃縞李荷香桂馥視聽無主兀傲光氣中可仍謂人閒境乎故恆謂少文詩絕似六家選唐詩无咎不謂然也以少文五七言古有直逼選體者唐人不能籠也夫台符千古正以其大者耳一二迂順何足以判合圭璋哉无咎首肯少文亦意饜矣噫少文特立人也今其年踰達夫詩成之日無幾而五十年來操觚之士無不與神交席接者然少文不步趨偕之也其前者競爲歷下婁江之重儔傳寫八代三唐之似而不自叩其性靈少文詩在其中愉笑臧歎舉體皆真不爲乾啼溼

哭錯足偽體今也盡背八代三唐之矩卽真合者亦諱避之而市談塗  
詈攘臂以趨少文詩在其中絲諸肉叶芳蘭竟體漢官威儀見者喜以  
泣矣昔景山大雅奢於建安而儉於景龍時變而持操不變故爾少文  
大雅正如是乎千秋之後有築臺以蒐明詩者必少文卓然自爲一家  
詩

慎江文徵  
三十七

東甌詩存二十八邵建章字少文號青門永嘉諸生箸有維寶堂詩集  
案邵青門詩最爲何丹邨所推今所傳汲古堂集中廣和之作  
甚鏗丹邨所敘維寶堂集則未見傳本惟東甌詩存載其詩四  
十三篇然何敘中所述七言歌行諸篇則並無存者可惜也何  
敘又稱青門詩本名半石齋稿李本寧爲之敘今檢大泌山房  
集未見所未詳也

王氏至言

笙鶴軒詩集

東甌詩存  
二十七

佚

笙鶴軒襍箸

大泌山房集十三

佚

李維楨序永嘉王氏開閱冠雲霄而優者龍鳳爲昭文文學余見其時義古文辭無不合作然觚墨士流猶可庶幾至於襍箸則學識過人遠矣其論人事惜季札不踐兄弟繼立之約病卞和獻玉躁進辱身寺人孟子爲詩自名不欲使人受疑似嫁禍范少伯爲有道之士淮陰侯誤蒯通邪謀殺歷下已降卒受陰報以反誅平津侯爲救時相未可盡非直信侯不能知同舍郎失定交信友之道諸葛孔明獨以關壯繆與呂蒙相持不爲後繼又失於馬謖姜維蓋按據事理不隨人口吻軒輊其論學術則以老子與吾儒相出入特其憤世疾俗詞或有過而以申韓之刑名蘇張之捭闔與養生服食家所附會皆失老子初指論王文成

良知之說本於孟子識其體而瞬養息存虛明寂照晝夜如一內外兩  
忘足以括攝老之玄釋之覺而超乎涅槃常樂化形而仙之上士不必  
諱好名春秋褒貶非名而何是厲世之術也至於戒忌崇謙美許武之  
友兄弟楊伯起以清白吏貽子孫范希文義田蘇子瞻還宅乃其家法  
世德同符古人所服習殆非一日謂桑國僑鐵硯志士當如是謂韓昌  
黎原本六經創以己意扶衰濟弱有功於文事爲大是則昭文所自道  
而其學識遠過人有由然矣其自敘曰古之君子得志則以其所行者  
紀載之不得志則以其所欲行者箸明之夫昭文年與志俱未艾苟有  
用我執是以往耳易之潛龍曰君子學以聚之曰可見之行也見龍在  
田時舍也然而天下文明在焉昭文勛哉潛見可無論已

大泌山房集十三

### 論草

一卷

歐乘補十二

佚

歐乘補十二論草一卷湯睡菴序王昭文箸

李維楨寧國郡丞王公墓表公名光蘊子男五人長至言廩生入太學

大泌山房集一百四

乾隆溫州府志二十王光蘊子至言萬厯庚子副榜以纂修玉牒授太

常典簿

東甌詩存二十七王至言字昭文叔果孫萬厯副貢任太常典簿箸有

笙鶴軒詩集

案王昭文笙鶴軒襍著據李本寧敘蓋皆論古之文歐乘補所

載論草疑卽襍著之一種今並散佚惟平津侯寺人孟子季札

三論見周氏慎江文徵五十三餘則不可攷矣

劉氏

思祖

之采山房集

東甌詩存二十七

佚

東甌詩存二十七劉思祖字長孫永嘉人任江西參將箸有之采山房集

案何丹邨汲古堂集有送劉長孫都閫之官南昌詩十又有送

劉長孫將軍守備三江序二十稱長孫爲劉將軍恆山先生子

恆山名 髫年有異質日記萬言既勝冠襲爵服世官藻思閑

贈綽有父風泊從事主衛家則衛事效主芻粟則漕事效當事

薦剡屢上遂擢楚三江守備則長孫蓋詩人而爲武官者亦劉

揮使懋功之流亞也

金氏 錫敦

大若山房詩稿東甌詩存二十八

佚

東甌詩存二十八金錫敦字師厚永嘉人箸有大若山房詩稿



案金錫敦事跡別無所見東甌詩存二十八錄其詩有送項懋

德副使之廣西

懋德項維聰字詳卷九高消縣志下

送劉以吉駕部北上

以吉劉康祉字

同劉長孫舟宿江心寺

寺字疑衍此時將抵錢塘諸作當為萬非永嘉孤嶼

厯天啟間人也

蔡氏

汝修

函虛齋近稿

東甌詩存二十四○嘉慶瑞安縣志九作函虛齋稿

伏

東甌詩存二十四蔡汝修字宇德瑞安人諸生箸有函虛齋近稿

案蔡汝修事跡無攷東甌詩存所錄詩有送秦慎齋契丈膺薦

北上

慎齋秦激別號萬厯歲貢詳卷十一瑞安縣志備遺下

及利市仙圖為中白王丈題

中白王篴字詳卷下諸作則亦天啟以前人也

王氏

明揚

榆枋草

一冊

王祚昌珠樹堂集一

未見

子祚昌書後右先子榆枋詩草一冊始於萬厯戊寅時二十四歲也編年或存或缺蓋散佚者多矣悟真寺醫舍龍管朱氏墓廬爲先子讀書處蘆江及鹿芝書屋則二三子所從問業也鹿芝書屋祚昌偕伯兄侍側其在蘆江時尙幼曾有詩助祚昌兄弟憶起語云我去課人兒我兒誰與課永夜自思之輾轉不能臥自今讀之方知其語之切也乃并其簡失去趙簡子之棄而不錄殆其謂乎先子於古文詞好李于鱗王弼州諸家作法於詩獨不好王李以爲詩者我之志我之學我之時與遇存焉有不可以倣古得者嘗書卷首云潘邠老有言七言詩第五字要響如返照入江翻石壁歸雲擁樹失山村是也五言詩第三字要響如圓荷浮小葉細麥落輕花是也余竊以字字活則字字響故先子之詩其音清以越其氣夷以卓其旨近而遠其體雅而風其法正而游於自

然至無字不活無字不響則尤其大凡也然而讀先子詩者又不當獨論詩先子當萬厯初載海宇靈謐畜厚力強不一刻忘黼黻鴻業鼓吹休明之志故其詩曰翩翩南陌已鳴珂及其屢蹶武陵陰違初志則引命自安嘗慨然諷白樂天爲龍未必勝爲魚語以自慰故其詩曰天池亦恐難爲水讀書談道樂以忘貧故其詩曰明朝行拾穗甘與野人羣信步聽天不尤不怨故其詩曰整理秧田日來曠見利思義一介不苟故其詩曰千里毫釐只此岐體萬物痛無我故其詩曰萬井同時一磬懸又曰乾坤胞與意豈我獨然若夫瑟御寫幽閑周南之旨也吁嗟藐爾雀曷以珠彈之夢草句也喜看桃李長新陰籍之有咸也碧峙清流嘗膽成霸情深一隙駒河汾之教也八平其處鎬善下猶龍氏遺旨乎望川亭其飲泉知源乎感物咏走馬燈也其獻賦不偶乎君卽不知情欲盡孤鴻切慕哀朔風黯淡天一摧靡靡濁世盡錐刀其友誼乎

天地神明未可瞞其有感於育才館之一碣乎其心跡光明犯而不校者乎人倫大端哀樂正旨感時託物正容罕譬則無詩非趨庭之訓焉至於孺慕之誠永言之思有步吟慙謝雪清夢入慈闈荆花映彩斑百歲並潘輿等句而梅隴瞻謁詩無歲不見此猶終身如一日者乎王子癸丑悉病瘡時作讀之無一雉噫聲嘗云何如椒山廷杖時於時手錄王陽明先生語及朱子晚年定論等書以自娛嘗稱陽明先生與門人云病物亦難格以爲至妙蓋先子斯時於天根月窟青山綠樹之旨證悟深矣一輪明月印蒼苔豈非徹上徹下有始有卒語乎詩草嚮名榆枋至病中書懷詩結句云扶起榆枋聽鶡秋復特作七圈絕筆然者嗚呼乃遂成逍遙曳杖歌矣豈非天哉豈非天哉祚昌闡述先子易學於永嘉荷華池院以諱日歸簡易橐蒙翳蠹蝕不可復讀敬重錄一冊將時覽焉以見先子之志亦庶幾愜然如聞寤嘆之聲云爾如日退而

學詩痛已晚矣

珠樹堂集一

周氏

一奎

據枯齋集

乾隆溫州府志二十七

佚

陳氏

謙壽

半隱齋稿

乾隆溫州府志二十七

佚

少南詩草

乾隆溫州府志二十七

佚

林氏

宗志

覆瓿集

東甌詩存二十七

佚

乾隆永嘉縣志二十萬厯歲貢林宗志處州教授

東甌詩存二十七林宗志字學海永嘉人萬厯歲貢官處州教授有覆

瓿集

應氏

德成

怡真堂文集

乾隆溫州府志二十七

佚

怡真堂居越山人踦履詩稿、

一冊

乾隆平陽縣志十九作踦履集今從鈔本

闕

周氏

文美

周才甫詩集

佚

甌中紀逸康裕卿同時布衣有張昂洪孝先周才甫俱以詩名俱有集

乾隆溫州府志三十

東甌詩存二十五周文美字才甫號雁川永嘉人

案周文美為何丹邳詩社中人汲古堂集所載唱和詩甚多慎

江詩紀載王世貞黃姬水並有贈詩王詩在卷三黃詩在卷四蓋亦萬厯天

啟閒詩人也

黃氏

國信

拙遲集

咸豐永嘉縣志二十七。乾隆溫州府志二十七題黃信誤

佚

台岳齋集

咸豐永嘉縣志二十七。乾隆溫州府志二十七題黃信誤

佚

東甌詩存二十七黃國信字道元永嘉人

案黃道元事跡舊府縣志無攷惟萬厯溫州府志卷附載同纂

人姓名有儒士黃國信當卽道元也

陳氏

應聘

半寰集

乾隆溫州府志二十七。府志二十題逸傳乾隆永嘉縣志二十一並作中寰集

佚

萃山集

東甌詩存二十七。乾隆永嘉縣志二十三萃作萃

佚

案陳處士應聘乾隆溫州府志乾隆永嘉縣志隱逸傳並有傳

陳氏立政

無聲弦詩集東甌詩存二十七

佚

東甌詩存二十七陳立政字廷益永嘉人天啟丁卯舉人著有無聲弦

詩集

張氏

中美

饑驅草

慎江文衛三十八

佚

陳立政序饑之一字乃彼蒼從膏粱醉夢外特簡以旌吾輩者非其人不可倖得即得之弗能守也古來善饑者指不勝屈乃若桑牖蓬樞并日而食披裘帶索拾穗未充以至絕吭禁寒食之煙僵臥閉元日之戶要皆獨立孤往仰副天心淺人不悟去之惟恐不速豈知饑者有骨性有器量又有學問足當此數語惟陶處士一人而已吾友張汝閏兄讀



其乞食詩饑來驅我去不知竟何之躍然撫掌以爲千秋同志遂取以名其近詩夫汝閭非饑者也而能爲饑荷鋤沼圃抱甕灌園悠然有山氣夕佳飛鳥與還之意素與同社董虞雲爲貧賤交及虞雲守濱州馳書見招謂昔我之饑君也同非我莫有饑君之饑者也今濱之饑我也獨非君莫有饑我之饑者也汝閭擲簡欣然就道余壯其行作長句以送之非壯其爲饑所驅也壯其能驅而之饑也以近所聞太山之傍日脯人肝千里一望青煙斷炊白骨撐野此何世界而裹埃嚼風遠入鳩鵠之國抵渤海未匝月太守以設糜給饑者觸穢染病遂不治百緒孔結上官之傲如雨如星下走之呼如蚊如蚋能以隻勞獨瘁左支右吾又復崇祀荒原歸櫬險道嗟乎虞雲饑渤海之饑雖爲若敖猶祀也汝閭饑虞雲之饑以視古素車白馬之誼殆將過焉余愧之余愧之蓋惟其篤摯堅忍其骨性然疏遠曠爽其氣量然而優閒鎮定其學問又然

非汝閭何敢爲饑所驅饑亦不屑驅之矣若夫生平癖嗜山水雙屐所  
經幾半寰宇著有蔽席軒游草何无咎先生亟加稱賞爲敘次其簡首  
甚詳茲余所贊論特其自題饑驅一什試觀贈會諸篇泊哭亡友與秦  
臺放歌字字血濺使饌玉炊金人讀之不解正使啜藜含餽人讀之亦  
復不解安得起柴桑先生爲誦才華不隱世之句殷勤投我汝閭於以  
昌大其詩名一券天心俾海內同饑者有所恃以無恐也哉慎江文徵  
三十八

蔽席軒游草

慎江文徵三十八。乾隆  
溫州府志二十七無游字

佚

案張汝閭事跡舊府縣志無攷陳氏饑驅草敘稱蔽席軒游草  
何无咎嘗爲敘次其簡首今所傳汲古堂集亦未見

陳氏

鳴鳳

陳來儀詩集

乾隆平陽  
縣志十九

佚

案陳鳴贊鳴鳳乾隆平陽縣志宦業傳有傳

王氏 至充 竹居集 乾隆溫州府志二十七

佚

自怡集 乾隆溫州府志二十七

佚

案王太學至充乾隆溫州府志乾隆永嘉縣志義行傳並有傳

馬氏 一騰 南詢稿 乾隆溫州府志二十七

佚

吳氏 鳳起 世篤忠貞集 乾隆平陽縣志十九○乾隆溫州府志二十七篤作德

佚

乾隆平陽縣志十五吳鳳起寶秀子父以拒璫罹禍而起亦以拂闥罷職後先濟美鄉里榮之有世篤忠貞集都憲易應昌爲之序

案吳員外鳳起乾隆溫州府志介節傳乾隆平陽縣志宦業傳

並有傳

周氏

宗璧

隨緣集

干頃堂書目二十七○乾隆溫州府志二十七題周宗碧誤

佚

乾隆溫州府志十九明崇禎癸酉舉人周宗璧永嘉人工部主事

劉氏

士焜

劉孝廉集

乾隆溫州府志二十七

佚

文餘

慎江文徵三十九

佚

自序劉生自言其詩曰此吾文之餘也而吾公車文之餘也夫劉生得已乎哉既肆其才矣而又東之既東其才矣而又不能不肆之如劉生者得已乎哉哀近所作五七言諸體爲一帙名之曰文餘而以小賦數

首及他有韻之文附焉

慎江文徵三十九

張氏

陽脉

和熊堂集

東臨詩存三十。乾隆溫州府志二十七作張曰永詩集

佚

海上草

乾隆溫州府志十九

佚

渡江詩

乾隆溫州府志十九

佚

劉士焜張曰永詩序曰永以詩自豪余耳其名於十年前乃今得讀其詩交其人星懸箕箒亦辨亦俠曰永生處大海之東復東蛟蠃所窟宅島夷所凌軼雕戈組甲樓船鼙鼓靡日不庸家故功臣萬戶雖食貧其耳目聞見足以觸胸中貞悍古傲之氣以故詩才獨壯於公車業直以餘力赴之若余則發憤著書求自見於世者然余敝裘多日永十年日

永胤得豪名矣日永益豪余益憤斯則余之爲余夫

慎江文徵三十九

東甌詩存三十張陽咏字日永樂清人箸有和熊堂集

乾隆溫州府志十九明樂清縣辟用張陽景薦舉授中書舍人負氣節

能詩有和熊堂集海上草渡江詩諸刻 二十七張日永詩集永嘉人

見劉菴集

按日永樂清人此不  
得其人又誤其籍貫

劉氏

宗重

梅花墅集

初菴集選。乾隆溫州府志二十七題劉彝伯

佚

李象坤序梅花墅者予友劉受韜嗣君彝伯哀其詩若文而顏之也受  
韜君湛深經術僅一舉於鄉化去有梅花如我我如梅之句彝伯以遷  
鼎年青其衿不堪賈哈緣領奉母氏屏居荒村梅塢中於是有斯製予  
讀之冷香寒玉毫不襍穠桃豔李色洵匪梅弗肖也花鄉一記掩前人  
醉睡兩篇海棠至昌州而香號海棠香國花事如許那得不以鄉名吾

老是鄉矣不更覓中山千日酒栩栩作華胥遊也然彝伯年甫弱冠和陶諸詩似太早悟憶予交受韜君時偶手錄五柳先生泊貧士傳君呵斥謂不祥今則宜然耶彝伯早悟前予十年然實非彝伯應有予向往在十年前今始同彝伯嘴冰雪梅花招折腰令而揖之噫嘻安得起受韜君於芙蓉城一訊梅花真消息哉

集選

東甌詩存二十九劉宗重字彝伯永嘉人

鄒氏

寅

鄒公亮詩集

乾隆溫州府志二十七公作雲

佚

乾隆溫州府志二十鄒寅能詩善奕嘗自壽有云苦吟未免逋詩債賣藥差能辦酒錢易白樓中丞謫永嘉與之昕夕倡和所著詩多散佚間有藏其稿者

案鄒處士寅乾隆溫州府志乾隆永嘉縣志方伎傳並有傳其

字東甌詩存三十作雲亮府縣志方伎傳作公亮府志經籍門  
又作雲亮羽菴集選有玉娘歌爲鄒公亮作則府縣志方伎傳  
得之今據改正

陳氏

一球

松石亭集

乾隆溫州府志二十七

佚

施元孚陳蝶菴傳一球爲人義俠以氣節自許願數奇不偶者二十餘  
年牢騷之氣發爲詩歌及蝴蝶夢松石亭諸篇感憤解悟一時併集令

讀者欲哭欲笑

釋耒集三

孫氏

林

安攘三策

乾隆永嘉縣志二十

佚

越吟草

汲古堂續集

佚



何白序吾黨孫太室先生弱齡治科業負雋異聲鴻藻鋒穎之燄若可  
攝千百步之外讀之令人人自廢屢試省棘輒報罷閒有先鳴者咸以  
前蹤去華爲媿爲之扼腕不自得乃先生益發憤於五經外盡紬異書  
逸典靡所不淹綜融爲古文賦沈雄雋朗凌轢三唐而軼晉魏踰壯寶  
於王庭流覽上都登高弔古感事興懷一發於詩及謁選人司鐸於越  
先生喏然曰昔子長上會稽探禹穴或謂得遊之助而況余奄有大越  
環百里內長川大谷皆效靈吾几席之下寧有不足吾所耶及之越郡  
諸名士橫經談藝暇共相討苑委石匱金簡玉書之藏聞尋吼山蘭亭  
諸勝皆被之詞章擬金戛石與千巖萬壑競秀爭奇庚午之後以學使  
者薦入闈格於博士寅乙榜以先生東箭之勁可洞七札而貫重鎧乃  
竟絀於魯縞使歐冶神物不賞於風胡夷光絕代不登於響屨豈非千  
古之慨哉夫古者攬俊之門闢蒐賢之塗廣士不以一技名比衡以科

目士不繇斯而登卽才可揆天法必程古固無可而託足也然先生神  
凝氣足頓繚騷雅之場爲日既久使之得時而駕雍容侍從之班頽仰  
論思之地高文大冊淹不腐毫飛檄勒銘捷可磨盾豈不足以黼黻昌  
明之代而乃淹於掌故浮沈下寮寧不重可惜耶昔君家明復教授泰  
山而相國富公范公交薦於朝講幄賜緋遂極師儒之選茲當聖主右  
文宰執翹材之日寧無泣血相明獨任其責者乎余姑序其大都且幾  
幾以竢之耳

汲古堂  
續集

王氏

全彪

冬對草

華夢樓集草作  
集今從鈔本

## 二卷

闕

永嘉王氏錄本  
遜學齋藏鈔本

周天錫序積石先生所作詩若干卷名曰玄對誌志也余既竟讀則拜  
手序曰詩曷爲宗唐也曰宗其體也唐以詩賦選士舉天下之畸才異

智鉤肝膽腎於其中如射之赴的木之就繩上而朝廟宮庭之什下而  
邊塞閨閣之吟音必諧句必鍊體格必峻整詞旨必明鬯匪是非詩也  
舍是弗學也宋元毋論弘正閒信陽北郡樹騷壇赤幟嗣而七子代興  
蜚葩振藻號稱極盛自竟陵出務爲幽深孤峭之調時流靡然從之詩  
以大變近虞山持論則又俎豆高楊冕弁劉宋推爲渾融博大卑鄙以  
下爲不足道華亭又起而非之豈非時屢易而矩矱自尊世遞遷而高  
曾彌重乎先生之詩前後一準於唐而靈心巧手獨出鱗輔清遠似錢  
婉雋似韋描寫情景似摩詰至睠懷宗國悼歎家園又與杜陵天寶諸  
作同其沈痛蓋思致盡而詩之能事亦於是盡矣議者以攬擷旣多酬  
應亦費閒有字句之累猶之索騏驎於一毛別鸞鳳以片羽要不足爲  
先生病也先生曠才績學富厚無所搜塵全無所矜俯仰天光湛然自  
得寄興遙而託志遠豈區區詞章之末足測其涯涘哉西園之役先生

已得復失乃風塵潦倒垂四十年迄以詩豪海內造物若厄之而實昌之固在此不在彼也

華萼樓集原題各對集序

東甌詩存二十八王至彪字文虎號積石永嘉人崇禎戊辰選貢授南平令

案王文虎爲西華副使賜谷參政族孫明季遯跡不仕齋志而終卒對草二卷永嘉王氏有寫本凡詩一百四十篇東甌詩存選文虎詩十一篇其晤與萊姪送楊雨公之任惠陽兼訊與萊姪五日過虎邨三詩錄本並不存周楞菴華萼樓集有此集敘此亦無之疑尙有缺佚也文虎詩多黍離麥秀之感雖選詞屬語不事彫琢而古直悲涼自足覘其志節同時樂清章陟瞻一焯

焯

恭毅公綸裔孫乾隆溫州府志忠臣傳道光樂清縣志忠烈傳並有傳

甲申國變後以不肖薙

髮沈水死舊志以有所諱而不敢詳此集下有輓詩十章繫以

小敘載其殉節始末甚悉則又足補地志之荒略不廛書以人重也

鄭氏

西爽齋稿

汲古堂續集

佚

何白序昔楊子雲稱相如賦神化所至不從人閒來一經一緯包括天地則詩與賦顧非迴薄千秋凌轅百代綜覈名物未易遊其藩也夫以太白天才神逸猶假林棲十稔下帷覃精而後橫絕當代今人朝事吾伊夕希撰結襲接唾餘剝剝鉅釘輒豁然欲據蓺苑尤席徒滋自欺而已鄭君可貞石隱陽湖之上閉戶讀書垂二十年銜漱羣籍旁攻六書久之腹笥既奧意象益融發爲詩文標勝撮奇深詣獨創未嘗以一語寄人籬廡下故文成一家詩具眾體類精鍊新警蔥蒨幽玄當其運思沈摯兀若拘株以雪車冰柱爲清寒以月脇天心爲神巧風期清暢高

操幽貞乃與季輿項君雅協隱志連衡對宇余家亦僅隔數十百武余  
每相過可貞必先漉濁醪次擷菜甲相與箕踞長泉閒清言竟日僊僊  
乎世外之致余每笑曰此事事可傳入高士逸民第世乏良史如蔚宗  
士安輩耳可貞尤耐居貧環堵晏如羹藜飢糗若終身焉比以金吾鄭  
次公聘書三至次公爲左司馬昆巖公仲子也淵博善辭令夙與可貞  
有車笠之盟可貞強起一應之瀕行以所著題曰西爽齋詩命余曰曹  
臨淄有言後世誰復相知定吾文者子盍爲我序其大都余自往太白  
初至長安賀知章一見絕嘆以謫仙人呼之一日名滿天下君其請俟  
今之賀監余言無足以爲重君也雖然余曩有成言矣乃追論列於首

簡

汲古堂  
續集

杜氏

汝意

茗溪新詠

東甌詩存  
二十九

佚

北窗文集

乾隆溫州府志二十七

佚

乾隆平陽縣志十五杜汝意所箸有茗溪新詠北窗語錄文集

案北窗杜訓導汝意乾隆平陽縣志宦業傳有傳載所箸有北窗語錄文集然經籍門無語錄之目今不補錄

杜氏

汝恕

餘聞集

乾隆溫州府志二十七作餘聞堂集誤今從平陽縣志十九

四卷

乾隆溫州府志二十七

佚

王氏

平世

猗蘭草

東甌詩存三十。乾隆溫州府志二十七蘭作園

佚

東甌詩存三十王平世樂清人崇禎歲貢箸有猗蘭草

乾隆溫州府志十九崇禎樂清歲貢生王平世性端方負氣節博學工

詩箸有猗園草

王氏

欽彝

硯北草

東甌詩存三十

佚

東甌詩存三十王欽彝字子性號蹇翁永嘉諸生箸有硯北草

案東甌詩存錄蹇翁詩有題與謙弟臺游閣之作與謙為海野

處士欽豫字

見府志隱逸傳

則蹇翁為海野兄也

王氏

欽豫

一笑集

東甌詩存三十

佚

史氏

君實

蘭齋小言

乾隆溫州府志二十七

佚

王氏

一杜

燕餘集

乾隆溫州府志二十七

佚



案王處士一柱乾隆溫州府志咸豐樂清縣志孝友傳並有傳

徐氏

時春

名山藏草

乾隆平陽縣志十六

佚

黃氏

宗揚

坦園詩集

乾隆溫州府志二十七

佚

案坦園黃生員宗揚乾隆溫州府志乾隆永嘉縣志隱逸傳並有傳

林氏

懋功

壺山詩稿

東甌詩存二十四

佚

東甌詩存二十四林懋功字君凱永嘉人著有壺山詩稿

案林君凱時代無攷詩存三十別有林懋德字君藩永嘉人崇禎歲貢當是其兄弟故增於此

盧氏景旭逸叟集道光樂清縣志入

佚

道光樂清縣志入盧景旭著逸叟集有向志惟耽靜守愚卻類樗之句因自號曰樗菴

案樗菴盧處士景旭道光樂清縣志隱逸傳有傳不詳其時代

今無可攷

梅氏應時一解集慎江文徵三十六

佚

自序余爲是集蓋歷三四時乃成云客問曰是奚名余方持螯引滿漫荅曰一解一解者陶學士語也陶聞見躋故詳問余愧陶故亦詳言也昔余不有松窗半豹青牛心印諸篇乎於身心神髓頗饒詮解今老矣茲集也祇足供燕閒之餘暇銷暑敵睡譬彼飫珍錯者不廢蓼莪云爾

豈非所謂一解不如一解者耶而偶名之而確中之遂書爲敘橫江文徵三十大

案以下諸人時代並不可攷

姜氏 應果 抱膝閒咏東甌詩存二十九。乾隆溫州府志二十七作姜應采抱雪閒吟

佚

東甌詩存二十九姜應果字叔毅著有抱膝閒咏

林氏 會 率真集咸豐永嘉縣志二十七

佚

陳氏 伯彰 漫游草乾隆溫州府志二十七

佚

乾隆溫州府志二十七漫游草永嘉陳伯彰撰

吳氏 璠 勉齋集乾隆溫州府志二十七

佚

案吳勉齋集亦見嘉慶瑞安縣志經籍門又注府志作吳瑤檢

府志實亦作吳瑤瑞安志蓋偶誤

趙氏景旻

鳳南集乾隆溫州府志二十七

佚

道光樂清縣志八人物補遺趙景旻以詩著名

周氏祥

拙默翁詩乾隆平陽縣志十九。乾隆溫州府志作周祥拙默翁詩集

佚

乾隆平陽縣志十六明人物補遺周祥字伯善居白沙自號拙默翁

陳氏敦

樂耕野人集乾隆溫州府志二十七

佚

乾隆平陽縣志十六陳敦字克厚居東田號樂耕野人

孫氏博

拙翁集乾隆溫州府志二十七。乾隆平陽縣志十九集作彙

佚

乾隆平陽縣志十六孫溥字允周居白沙號拙翁

林氏

嘉善遜生稟乾隆溫州府志二十七。乾隆平陽縣志十九稟作集

佚

乾隆平陽縣志十六林嘉字公彥居楊隄號著遜生

吳氏

迪存耕野人集乾隆溫州府志二十七

佚

乾隆平陽縣志十六吳迪字惟吉居夏口號存耕野人

董氏

靖清隱稟雍正泰順縣志八

佚

雍正泰順縣志八董靖長於吟咏隨所倡和多闕世教有清隱稟

案董處士靖雍正泰順縣志鄉逸傳有傳

張氏瑀雙溪集

雍正泰順縣志八

佚

雍正泰順縣志八張瑀隱居雙溪以吟咏自適有雙溪集

案張處士瑀雍正泰順縣志鄉逸傳有傳

潘氏

世惠

烹茗齋詩集

雍正泰順縣志八

佚

雍正泰順縣志八潘世惠彙選古文一百卷編爲十六字全書又箸有

烹茗齋詩集膾炙人口

案潘廩生世惠雍正泰順縣志鄉逸傳有傳稱其編十六字全

書一百卷其書今未見以名推之似係取僞古文大禹謨人心

惟危四語宋儒所謂十六字心傳者推衍其義彙選古文則不

宜冠以此名泰順志故多謬誤此書名尤不雅馴故雖寢然巨

帙未敢決其眞僞附辨於此不復分簪其目於總集焉

董氏

天樂

溪東精舍小集

羅陽詩始一

佚

羅陽詩始一董天樂字汝智號霞南處士有溪東精舍小集

董氏

大臣

古栢山房稿

羅陽詩始一

佚

羅陽詩始一董大臣字希道號慕南處士有古栢山房稿

王氏

應元

做帚集

乾隆溫州府志二十七

佚

案王應元籍貫時代並無攷

釋

靈基

做寒窻草

二卷

東甌詩存四十五

佚

東甌詩存四十五靈基字慧目永嘉人住瑞安雲頂院有傲寒窻草二

卷

潘氏叩機集

東甌詩存四十六

佚

東甌詩存四十六潘氏瑞安諸生趙裕室著有叩機集

溫州經籍志卷二十九終

餘杭章見伊校

溫州經籍志卷二十九

三



溫州經籍志卷三十

瑞安

孫詒讓編

集部

別集類

國朝

周氏家偉

水中鴈字詩

羅陽詩始一  
府志二十詩下有集字  
乾隆溫州

未見

乾隆溫州府志二十周家偉生平多所著作因兵燹散失今僅存水中鴈字詩集行世

羅陽詩始一周主政舉於鄉後五年而明社遂屋所著有水中鴈字詩三十首其音哀以思蓋以亡國之遺響也

案周主事家偉雍正泰順縣志宦業傳有傳

梅氏

調元

霽月軒集

華萼樓集

乾隆温州府志二十七作詩集

佚

金陵游草

華萼樓集

佚

周天錫梅贊臣墓誌銘神廟戊午城南有七子社七子者建侯明止善長若冲玄抱某某及贊臣也贊臣所著有霽月軒集金陵游草行世

樓集

案梅訓導調元乾隆溫州府志乾隆永嘉縣志文苑傳並有傳

贊臣爲順治辛卯貢士

見墓誌府縣志選舉門作康熙歲貢誤也

其得貢在林雪菴

夏逸民後

雪菴爲弘光乙酉貢生亦見周樛菴所作墓誌府縣志選舉門均崇禎未誤

然據周誌則

贊臣在天啟初已以詩名於雪菴實爲先輩故移箸林前庶論

世者可攷焉

林氏占春 合山詩集華萼樓集 東甌詩存

佚

甌江詩選華萼樓集

佚

花閒集乾隆溫州府志二十七

佚

周天錫林梅生墓誌永嘉以詩名者天啟初則陳沈鬱稱子建侯張子明止梅子贊臣余同時則林子梅生王子篤蕃李子穎少林子弱仙家弟炤如而贊臣梅生爲最贊臣體備三唐而一以清真出之華而不靡宛而不匱學者推正始焉則贊臣而建騷壇旗鼓者其梅生乎梅生之詩醇雅秀整堅古沈鬱稱名廣而用物弘取資平而原本厚其研深說慮朝誦夕吟蓋五十年於茲宜其韻叶宮商步中繩矩無毫髮遺恨也

所箸合山詩集甌江詩選若干卷藏於家

華萼樓集

夏氏 大揮 閒園詩草

羅陽詩始一

未見

羅陽詩始一夏大揮字逸民宏光副貢著有閒園詩草

陳氏 光前 吹蘭集

乾隆溫州府志二十七

佚

包氏 文檀 致遠軒集

東甌詩存三十二甌乘補八集作選

未見

甌乘補八祥積寺竺隱菴大定菴古竹林院並見包文檀致遠軒詩選

案包零陵文檀永嘉人乾隆溫州府志仕績傳有傳

王氏 祚昌 珠樹堂文集

一冊

闕遜學齋  
藏鈔本

案王弼珠樹堂集原稿不知若干冊今所見殘本一帙詩文皆編年彙次座存崇禎庚辰至癸未四年之作其入國朝以後詩文並已散佚冊首頭易菴學人王祚昌弼翼父箸門人周天鏡炤如父錄蓋周非臺所編寫也易菴在明季頗擅文名李素園維樾周恥菴應期諸人交相推重今集中尙存與素園往還書柬及代恥菴所作文數篇然其文皆喜爲疏快隨意所如多傷淺易詩亦粗厲無復白鹿詩社之遺響蓋易菴講學頗近李贄一派詩文非所畱意此集又係拉襍稿本未經刪定故合作殊尠也

謝氏包京  
兩鴈山人集

十二卷

謝天壇先考坦  
齋府君行畧

未見

列仙咏

乾隆永嘉縣志二十三

佚

案謝陽武包京雍正浙江通志乾隆溫州府志乾隆永嘉縣志

義行傳並有傳

陳氏

邦紀

星聚堂集

東甌詩存三十二

佚

案陳諸城邦紀乾隆溫州府志乾隆永嘉縣志循吏傳並有傳

支氏

時英

燕謀集

乾隆溫州府志二十七

佚

道光樂清縣志十順治府學歲貢支時英

王氏

會昌

榴夢草

東甌詩存三十一 乾隆溫州府志九 榴並作鑑 二十七 嘉慶瑞安縣志

佚

東甌詩存三十一王會昌字立錫祚昌弟順治歲貢著有榴夢草

趙氏

紹鼎

薄游詩稿

華萼詩稿

佚

周天錫趙雲汾墓誌銘君歿方子廷芬哭之慟君雅慕古文詩歌文宗韓柳詩彷彿長吉玉川所撰箸不自珍惜廷芬從其敝簾中葺之而薄游詩稿百十首竟不存

華萼樓集

案雲汾趙歲貢紹鼎乾隆溫州府志乾隆永嘉縣志文苑傳並

有傳

王氏

乾亨

澹寧居集

乾隆溫州府志二十七

佚

案王處士乾亨乾隆溫州府志乾隆永嘉縣志義行傳並有傳

侯氏

思炳

漁村詩集

東甌詩存三十五 乾隆溫州府志二十七作侯嗣宗詩集

未見

乾隆溫州府志二十侯思炳卜築漁村以居顏曰漁村小隱後韓令君則愈梓其遺詩傳於世

甌乘補七侯嗣宗樂清詩人箸漁村詩集嗣宗死貧不能具棺殮其家人持一硯鬻於市翼有售之者楊衡子聞而哀之爲之畢喪事詩文書畫皆卓然可傳獨以性不諧俗多爲人所怪卒至於無所遇而貧病以死哀哉

原注韓則愈漁村集序

案漁村侯處士思炳乾隆溫州府志乾隆永嘉縣志隱逸傳並有傳

王氏

爾根

岳心堂集

乾隆溫州府志十九

佚



乾隆溫州府志十九萬厓庚子舉人王昌祚永嘉人海陽令子爾椒名士有岳心堂集 二十梅調元與林占春李元發王爾椒林健號永嘉

五子

東甌詩存三十二王爾椒字篤蕃號忝生永嘉人五子之一

張氏

采齊

塘上草

乾隆溫州府志二十七

佚

東甌詩存三十一張采齊字天根永嘉人

案張天根事蹟無攷詩存載其詩有冬日晤王篤蕃一篇則其人與王爾椒同時今埒於此

林氏

健

冰壺閣草

乾隆溫州府志二十七

佚

湖上草

華夢樓集

溫州經籍志

卷三十

佚

周天錫林弱仙墓誌銘君諱健字弱仙世居永嘉巾子河九歲能讀書  
十六入郡庠二十食廩既聲名噪譽序閒晚游西湖箸湖上草歸而病  
牖自知不起乃命門人寫所爲詩稿遺余華萼樓集

東甌詩存三十二林健字子強永嘉人五子之一

釋

彬遠

村居以後詩

甌乘補六

三卷

甌乘補六

未見

徐逢吉清波小志上學士橋側有笑隱菴老僧笑魯者居之予童時及  
見其人自言從董宗伯其昌陳徵君繼儒游其徒彬遠奕是俱能詩彬  
遠別字秋蟾詩尤超縱大有青蓮長吉風味

兩浙輶軒錄三十九彬遠字秋蟾號嘯翁永嘉人杭州東郊栖禪院僧

歐乘補七按碧溪詩話嘯翁所著詩刻以流傳者有村居以後詩三卷

楊氏兆岳春草詩集

佚

閑園文稿

乾隆永嘉縣志二  
十三顧梅兆岳

佚

東甌詩存三十二梅兆岳字鍾五永嘉人

案楊鍾五事跡無攷東甌詩存載有送法幢大師之大梅并游

台宕詩法幢爲林詹事增志法號則鍾五蓋順治間人

林氏齊鉉

荻齋集東甌詩  
存三十

佚

東甌詩存三十二林齊鉉字覺侯瑞安諸生著有荻齋集

案林覺侯事跡無攷乾隆溫州府志二十載林詹事增志子齊

鐸州同知則覺侯疑亦詹事諸子行也徐承子泉村集選亦有

林覺侯招飲峙巖寺詩

李氏

半齋紀游詩草

東甌詩存三十三

佚

東甌詩存三十三李敷字長陽瑞安諸生著有半齋紀游詩草

案李半齋事跡無攷東甌詩存三十二載林覺侯有寄李長陽

年兄詩今附於此

徐氏

泉村集選

東甌詩存三十三作泉村集乾隆溫州府志二十七作泉村詩集今從刊本

一卷

存

康熙乙丑刊本

家承子兄少聰悟生而知學六經探百氏刻苦性行與古爲徒研幾聖人之道卓然自得好秉高節軒髯營目意無可一世早負詩名能自關

其門戶精神心腕既恣其煩仰磅礴極奇崛雄險犇放之致觸於山川  
日星雷雨草木鳥獸之變激昂頓挫發而爲言崢嶸歷落不可名狀晚  
年窮益奇詩益豪操益堅煨破釜於敗屋之間甘惡衣食造次不移其  
守惜乎未果其志而天奪之壽余思古今人傑遇與不遇有數存焉擬  
其所存得與少陵長吉輩頡頏上下或不磨滅故向兄之廢麓中出其  
生平所箸商摧什以一而付之梓使後世知吾家有抱道苦節能詩得  
風人之旨者如此卽兄不遇而遇也康熙乙丑仲冬朔日弟日久頓首  
書於一涉園中

予嘗與周子懋寵論詩謂不當僅作七律卽七律矣亦不當僅平庸穩  
貼彷彿咳於五夜漏聲否則盧玉川月蝕詩不應登唐人之席懋寵頗  
許予言今讀徐子幼發詩益快然於衷也徐子家奇貧遇極艱顧邁絕  
世姿作配川原盜起懷中揣所著詩而約其婦於背宛轉伏匿山谷中

婦竟困躓以病俛香煖玉羅荀令憾乃益罄其悲憤於詩以故篇中奇詭恣肆長吉鬼青蓮仙合併而出讀者舌咋矣夫詩盛於唐耳非唐可槩詩也奉高曾遵矩矱於高廷禮諸人遂若舍唐無詩舍七律無唐幾令得天獨厚者煩頤而就束縛稍騁則訶以中晚詆以宋元吾願亟取唐大家全集餌之藥之正不必遠舉漢魏騷選三百篇矣予持此說要以人各有才旣注於詩則當盡其才於詩不當復有所恡令詩與才各餘一分際千載以還有冒盡其才者必將出吾之上則文士之峰頂弗登噫嘻非周徐二子誰與歸皆康熙戊申重陽前一日社弟李象坤頓首拜譔

乾隆溫州府志二十徐凝生平多著作以家貧乏嗣散佚不可勝紀所存者僅得一百五十篇名泉村集雄博所鍊體極蒼老

案泉村徐處士凝乾隆溫州府志乾隆永嘉縣志文苑傳並有

傳泉村集選徐日久所選梓

日久字子長集中有早秋集一涉園贈子長弟詩

凡古今

體詩百四十九

府志文苑

篇誤

據日久敘蓋塵原稿之十一耳

泉村身丁革代備歷艱苦此編篇什不多而憂時傷亂之言居其大半然其詩格頗高無明季佻薄之習樂府古詩託事興懷導原風雅迴異摹擬塗澤律詩風骨高秀頗近盛唐秋懷七律十首尤爲絕唱國初吾鄉諸詩人莫能埒也

王氏

詠

竹居集

華萼樓集

東甌詩存三十四作竹居詩集

未見

周天錫題詞川子丰神似逸少而詩句又似右丞一種清新秀逸之氣撲人睂宇由其襟懷灑落絕無人世齷齪腴倨之態故發而爲詩如清泉瀦石如秋月映潭唯其有之是以似之也夫清新俊逸成一家言是矣猶非其至曷至乎曰眞曰澹曰妙曰玄

華萼樓集

乾隆溫州府志二十王至堯子詠邑庠生孫灃孫國學生俱以詩名有

居竹集自怡集諸刻

東甌詩存三十四王詠字川子永嘉諸生著有竹居詩集

釋超翁 小若巖集

十卷 阮元兩浙  
輟軒錄

未見

鋤餘草 華萼  
樓集

佚

周天錫引蓋余讀漢劉章傳異之得四句偈朱虛行酒太后前拔劍誅

呂歌耕田立苗欲稀非種去更於何處覓安禪偶閱眉光鋤餘草悠然

有會遂書以歸之 華萼  
樓集

兩浙輟軒錄三十九超翁字眉光號閒菴永嘉僧著有 小若巖集十卷



曾氏鳳翔開吟集東甌詩存三十一

未見

東甌詩存三十一曾鳳翔字梧生號篤倫子倣季子諸生簪有開吟集

案曾子倣明季永嘉諸生東甌詩存二十七有詩

翁氏應春益齋存稿乾隆溫州府志二十七

佚

詒癡符乾隆溫州府志二十七

佚

乾隆溫州府志二十翁應春宋詩人靈舒之後博學能文尤長於詩詞著豈洽符諸體咸備爲劫火煨燼僅餘益齋存稿與靈舒西巖集彙刻一編王恩任爲之敘

案益齋翁歲貢應春乾隆溫州府志乾隆永嘉縣志文苑傳並

有傳論癡符府縣志並誤作蚩洽符今據顏氏家訓文章篇正之

李氏

世瑞

甌山遺稿

華萼樓集

乾隆溫州

府志十九作子甌子集

佚

周天錫李文五墓誌銘文五系自閩赤岸徙耕谿再徙外沙好學善談論雅負意氣多怪少可唐王王閩手疏千餘言指斥時事擬伏闕上之聞徽寧陷則頓足曰不可爲矣遽取原稿燒之歸而放情篇什順治戊戌貢京師君諱世瑞所著有甌山遺稿李寧侯序而傳之

乾隆溫州府志十九康熙永嘉歲貢李世瑞博學能文著子甌子集

案李文五甌山遺稿見周樛菴所作墓誌乾隆溫州府志選舉門作子甌子集然經籍門集部不載而子部別載子甌子彼此啓誤未喻其故今依華萼樓集箸錄而增識其異於此

周氏

天錫

花萼樓集

東甌詩存三十二作花萼樓詩文集甌乘補十二作華萼樓詩稿今從鈔本

存遜學齋

瞿溪草

剡菴集選作集

者予友樛菴

剡菴集選作周子

廬墓時筆也樛菴至性過人侍

中丞公里居十九年中丞

剡菴集選下有公字

堅小樓之節樛菴

剡菴集選作懋

幹

剡菴集選作周

旋門內外事備極艱瘁及

剡菴集選作迨

奉中丞

剡菴集選下有公字諱哀毀

骨立廬墓三年

剡菴集選作比葬處於墓所下又有開或暫省慈聞衣

也懋寵既屏跡

悲酸辛楚

剡菴集選一其精靈神智於先公松楸聞菴

山居三十六字

集選靈作英智作氣松楸作

剡菴集選下有無幽懋

納訊晉唐

剡菴集選下有已前二字

舊蹟感慨係之故其詩

剡菴集選下有無幽懋

悲憤讀之神龜悸慄

剡菴集選作神悸更慄

如淒風楚雨陡集於神聚鬼窟

剡菴集選

間字而生其森戟嗟夫詩蓋難言哉

剡菴集選作矣

夫詩三百篇具在皆忠臣

孝子思婦勞人之作故宣尼

剡菴集選作聖人

筆之為經繼此則湘蘭沅茝忠

不忘君焉故曰詩人曰騷客尊所祖也邇

剡菴集選作今之作者何如乎既不

根柢

劉菴集選作極

忠孝以植其至性而情之所發震蕩流溢風雲月露之篇

金勒玉人之句止多一綺語障耳

劉菴集選此下有他若從戎出塞結客於椎埋擊筑之林蠅屐登選勝

是寄其染翰濡毫之際一邛一壑自謂過之聽鳥看花致足樂也猶故詩無

定質也

劉菴集選無此字

亦無定品也廟必敬墓必哀情傳之也方成珪員成

壁境寓焉也

劉菴集選作懋寵

他集天才奔放濤驚浪駛不可方物而茲

編

劉菴集選作此集

獨不然余於此益加珍敬

劉菴集選于作義樗菴選作懋

龍

之為完人也嗟乎慈烏夜哺白兔晝馴今將

劉菴集選作今懋龍即吉矣諷夢

我之詩摘援琴之禮猶若

劉菴集選無此字

有樂棘之戚浸其睂宇

劉菴集選下有間字

者此余序瞿溪草而不禁掩卷三嘆也夫

劉菴集選余作予序作康熙

劉菴集選無此二字

丙午冬日年家世社弟李象坤

劉菴集選無此八字映雪書於西青之

劉菴

歐乘補十二華夢樓詩稿陸玠序周子紹箸

周氏天鏡

半隱齋集

東甌詩存二十七 乾隆溫州府志二十一集並作稿

佚

案非臺周居士天鏡乾隆溫州府志乾隆永嘉縣志隱逸傳並

有傳

朱氏

鴻臚

竹園類輯

周起辛宜平司訓默齋朱公墓誌銘作竹園文集東甌詩存三十六作竹園集乾隆溫州府志二十七作

葉竹園文集今從嘉慶瑞安縣志九

十卷

存瑞安朱氏刊本

余成進士初筮仕歲戊辰出宰浙之宣平是年學博訓導余子潛以計典去越明年己巳章安朱公來除是官挾一子一力視事余得以交公公年已登七十矣髮蒼蒼視茫茫步履亦微艱扣其所以知非為慕祿而來者及歷覘其行已教士與飲食動靜閒循循然務遵先正矩矱細

行大德冥冥昭昭皆如霽月光風而獨行不媿影獨寐不媿衾余於公  
信無閒然既而出竹園類輯見其論斷也不狃於俗務衷於理見其詩  
賦也感物而形都存真趣其誌誄序傳也各本其人之生平不肖諛墓  
不肖附炎直筆溢於言辭之表其闡明濂洛關閩諸先儒也不墮陸子  
之僻必擯陽明之謬是猶唐之昌黎元之魯齊明之文清而毅然爲吾  
道之藩籬也惜當遲暮之年莫遂講學之志余於是歲冬丁先大夫艱  
庚午仲春歸里公亦於庚午八月告休去宣聞返北不久隨捐館舍噫  
嘻學如公品如公文章如公而弗克早售弗克大用天也公之學可以  
指迷公之品可以礪俗公之文章可以起衰人也昔蘇子瞻作昌黎廟  
碑謂其所能者天也其所不能者人也余於公以爲所能者人也其所  
不能者天也詩云無競維人四方其訓之有覺德行四國順之則公之  
壽世而嘉惠於來學者正不在區區文字語言閒也甲申余奉 命督

學此邦公之子庠生士輔捧公集求弁言於余余喜其能讀父書能紹先志公可謂有子矣公可謂不殆矣是以樂爲之序若云太沖三都假元晏而始重則吾豈敢康熙四十三年秋九月望後二日提督浙江學政中州靳讓拜手譔

文自六經而後諸子百家率多畔道矣然雖畔道如莊列荀楊而其書猶爲後世所不廢也何曰三代而下儒學不醕土各就其所見之偏發而爲文彼亦卓然自命內不欺己外不欺人故其文猶令人曉然其見其失而存其詞若使託乎道而僞焉斯君子惡之矣予自武林來庖瑞邑側聞邑故有東南小鄒魯之稱亟思得人而獲交於表民朱氏初讀其所著太極圖說則挾幽而張渺也旣得四書詳說爲梓字解則羽經而翼傳也茲其門人復爲之梓詩文十卷編類蒐輯不遺餘力予爲卽其所編類目之名而循名以求其實無一不如其名之所命曰理學

曰典禮則發明歟要豁人雙眸也曰政治曰風教則起可施行洵有神益也曰史斷則論定千古法戒其昭也曰孝慈則藹乎至誠而惻怛也曰慶唁則與人不苟言皆不妄也然則表民朱氏之文其不爲託而僞也的矣抑不唯不僞而已且不安於所見之偏而眸乎道殆足以排百家而衛六經矣昌黎所謂必傳於後無疑者人情忽近而貴遠未足知之予慶得人於斯爲盛而其弟子輯錄之勤亦賢矣哉昔康熙丁卯仲夏襄平年家弟朱鴻念蓼父題

吾鄉東澄朱先生理學名家也默齋素存兩君爲先生二難而默齋尤稱白眉崇禎己卯偕試發予與默齋同蘭譜厥後緣芸締社多士校藝摘藻敷華人人自許惟默齋爲文不蹈時蹊窺程朱堂奧而發其義蘊東澄先生理學一燈得薪傳矣康熙壬子默齋廷試回斂跡竹園旁搜博考凡性理大全典禮時政靡不研精極慮爲之敷文衍義出其獨見



誠前賢之羽翼後學之津梁也然圖說字解予得與聞參訂而未嘗一語及詩茲乃竹園詩集出予讀之不覺矍然興曰文人之不可測也如是夫子與默齋交有年向亦謬有箬輯而聲律一途尤屬羊棗何默齋之珍祕乃爾反覆諷咏見其諸所題咏皆有關切又不作謫仙酒人之沉然則默齋豈僅爲訓詁家言遂曰理學云爾耶邑長宋襄平已序默齋諸刻予獨於其詩集弁數言於簡端豈康熙戊辰上元節眷同學弟陸象震拜書

吾師默齋朱先生僦屋邑西南隅蒔綠竹日茂取有斐及睿聖髦而好學之義顏其門曰綠竹書院吾同門友從先生游者相與講習其中往還不倦始自順治甲午至於今歷三十餘年先生詩文日積益富然先生未嘗自爲區類詮經評史之章或藏篋笥其他序記誌銘之類付之於人亦未嘗自勤輯錄也康熙丁卯邑大夫纂修邑志先生暨同志珥

筆館中以藝文志自唐宋至今美不勝收爰立類以限之若理學若政治若風教悉屏浮麗而有裨於邑人之觀省吾黨從旁窺觀竊歎曰是其爲類非我先生文足以實之哉雖然先生文豈能一二盡哉於是相與謀取先生詩文自壽梨棗編法倣新志而損益其類請於先生強而後可區類者蒐輯者同門各職乃事云門人錢肅楫謹識

譜年詩集引予於詩末學也漫集之聊以譜年耳譜年年以詩著抑譜年詩亦以年著何也凡詩之作必論其世考其事方知之予生萬曆戊午之秋由今溯昔有治日焉有亂日焉譜以年而詩之序與傳卽在其中雖然今之詩學非古之學也孔子教弟子以學詩興觀羣怨焉而已事父事君多識焉而已戒伯魚不學曰無以言而已今則不然殫智竭能於風雲月露之場辨體審音句摩字戛與謝陸沈宋之傳較其毫釐尺寸童而習之溺於其中白首不得出紫陽先生之言曰俗儒詞章之

習其功倍於小學而無用蓋謂此也予之未學雖以不敏故然奉教於君子即安然自畫勿恤也康熙乙卯時閩難方殷姪士晟懼予詩之軼也請集之予曰尙俟吾究所學而去取焉未晚也至是而請者再乃次以歲月不事去取亦不究所學云丁卯夏日識

竹園類輯十

城南萊竹書院先六世伯祖默齋公講學之所公門牆極盛鄉先達林公青雲林公上梓皆箸錄稱弟子先六世祖范菴府君以康熙癸酉舉於鄉受業最久國初人材蔚起士之以文藝鳴者羣從事於高華綺麗一途公獨潛心理學篤信程朱闡發微言羽翼經傳著有四書知新講文詳說三十卷篇帙浩繁未及梓已梓者竹園類輯十卷太極圖淺說二卷公晚年以明經就銓授處州宣平司訓有宣庠遺鐸一書

案宣庠遺

鐸即四書詳說講文梓本標題見霍維騰講文敘

宣人士猶能道之鄉人未及見也今去公之

時二百餘年類輯淺說兩書蠹簡殘脫十存四五昔先君在時屢欲補

板印行以廣流傳而有志未逮諄諄以命鼎兄弟鼎不幸先父先兄相繼見背抱恨終天顧念遺命不敢忘謹將類輯一書先補缺板八十二頁爲字二萬五千零用誌先業於弗墜先人志也刊成附誌數語於末淺說遺板失倍於存蒐補之責弗敢辭請以俟之異日同治十二年歲在癸酉仲夏月六世孫鼎謹識

案朱默齋竹園類輯其門人錢肅楷等編次凡分十類曰理學曰典禮曰政治曰風教曰史斷曰時變曰孝慈曰慶唁曰襍箸曰詩類攷詩集分類始於宋本東坡詩注文集分類則此爲勦見前所未有也默齋潛心宋五子之學又生於明季目覩啟禎之亂故此編所載文於禮制政教之失斷斷辨正最爲痛切其史斷類於明代大事各爲箸論平議亦多精塉其所作雖未能淹貫經史方軌古人然大都樸實明白不沿明季佻薄之習較

之王元翼李寧侯固當勝之其詩類卽所著譜年詩集以作之  
先後編年排次於國初兵事頗詳足資考覈惟安陽辭鹿城  
行二詩別入時變類空竈辭詩別入政治類葬殤宜詩宜默齋  
子士驥  
女別入孝慈類與文相廁則於例殊不純末附詩續爲括游草  
及賦二篇皆康熙己巳爲宣平訓導時所作葢刻成後所增入  
也

王氏

演需 甕城草 乾隆溫州府志二十七

佚

白石草

乾隆溫州府志二十七

佚

乾隆永嘉縣志二十康熙王子選貢王演需奉化教諭著甕城白石詩  
草

林氏青雲

竹園詩初集

竹園類輯九

朱鴻臚孝廉詹我林公墓誌銘作

隆溫州府志二  
十七作竹園集

佚

朱鴻臚序余不能詩恆喜人之爲詩我竹園林子龍友家弟長任頗優  
爲之每有作余取讀輒擊節稱快東坡曰他人得藥我爲之體輕他人  
困於酒我爲之酣適意益與之相類云至若花晨月夕少長序立杯茗  
疊酒並坐論文長歌短咏請屬和必以不敏辭兩人私相語曰詩厄於  
宋宋多道學故也詩盛於唐然韓柳雄於文詩則遜李杜以詩名文無  
稱焉仲此縮彼殆亦有故余聞之笑曰如子言不能詩反賢於能詩耶  
是不然天之生人其材各有限如子輩旣工制舉業其揣摩與學詩甚  
相左乃子醉後酣歌曷嘗不自詡曰昌黎杜陵合爲一人哉且宋儒道  
學亦未嘗不幾年埋首也能厄爾詩否耶若予則人各有能有不能爾

雖然古人之故未易輕擬也吟風弄月明道歸自濂溪寧乏騷人風致而石鼎聯句文人筆墨神物供其役使理學文章一能則無所不能子當更論之康熙丁卯八月既望龍友竹園詩初集編成余述其平日燕喜之言及所爲論詩者書以爲序

竹園類輯九

朱鴻增孝廉澹我林公墓誌銘先生諱青雲字某澹我其別號也余從伯兄默齋夫子游而先生亦執經門下五上春官不第就銓得令庚寅春部檄謁選偶爾微疴遂捐賓客先生性狷傲每有所觸託之謳吟和平爾雅登作者之堂古風樂府直凌陶謝大歷而下勿論也所著有竹園前後集

瑞安朱氏錄本

東甌詩存三十四林青雲字龍友號澹我瑞安人康熙甲子舉人著有竹園詩集

李氏

象坤

因名集

荆菴集選

佚

劉士焜序觀人詩者觀其所感而已荒臺弔古馬首懷人謂之一無所感可也吾黨砥礪所在以惜聰明惜歲月惜交游爲急務猝爾倡酬之作亦當如誥如誓如箴如銘寧爲勞歌毋爲齊還以此不媿風雅其可耳不然騷壇之客多於澤蒲豈少此數行墨藩哉發吾覆者寧侯兄也

壬子閏月十日識於因名集之左方社弟劉士焜

荆菴集  
選卷端

榮花齋集

荆菴  
集選

佚

周天錫序天下之得抒吾智臆者唯文章而已世人動稱摹古於文則漢於詩則唐毋論摹必不似卽摹而似亦豈得爲吾之文吾之詩乎哉予友寧侯博學工文章而品隲今古與予同一日出詩文若干卷俾予序予爲箸論曰寧侯詩不必摹唐而興端託緒落紙皆馨賦物懷人注



情獨渺何在非唐文不盡摹漢而矯顧怨步徑欲已開琢冰跨虹色非  
外設何在非漢若夫倫理所伸無歡不聚山水所值無險不酬此又靈  
侯發筆墨於性情吐烟雲於意氣未可以文章概也或曰靈侯古詩逾  
律五言古逾歌行古文詞碑傳繼序記大篇誦小品予不復辨夫銖而  
較寸而合是未知靈侯者也卽區區以詩文知靈侯又豈真知靈侯者  
哉予知之故序之以見靈侯所重在彼不在此也已巳亥浴佛日竺隱

周天錫拜手題

荆菴集  
選卷端

陳國球序予客甌良久名慙驚座賦擬登樓惟與甌士大夫把臂論交  
差破岑寂若大中丞李生翁仲君靈侯於予尤稱莫逆靈侯具淵邃靜  
穆之養挾沈雄博瞻之才自髫年振藻名噪詞壇者已廿餘載矣甌之  
宿望時髦及吳楚燕齊諸名流咸以壇坫相奉視李先生之於靈侯猶  
陸幼節之有士衡蘇明允之有子瞻也靈侯性簡放於世罕所許可居

恆常與予論甌人物於宋則推梅溪於元則推五峯於明則推蕩南之  
三先生者皆產樂城識者謂鴈宕龍湫之勝沐簫玉飮之奇靈氣蟠結  
代有異才良非偶也然三先生皆起自寒素發憤力學寧侯以貴公子  
負才深自貶抑下帷不倦於以簪子建繡虎之稱擅超宗鳳毛之譽行  
將藏之名山傳之通邑卽起三先生於今日亦動積薪之嘆寧爲過哉  
今春予促裝東歸寧侯攜奚奴負祕笈出所藏集若干卷請予弁言予  
得竟而讀之其近體則方軌高岑古風則追塵顏謝至如傳序記疏諸  
篇或如奇峯插漢或如駭浪拍空令人目炫神移五色無主至其體裁  
章法則又浸淫於唐宋大家之中直神似非形似也予向讀寧侯諸作  
非從羣公籀上卽於他友案閱僅所謂桂林一枝吉光片羽耳今如遊  
季倫園珍奇畢集如入薄后廟佳麗盈前較向所得不愈大愉快哉昔  
桓譚知子雲之必傳於後人謂知言他日寧侯文重海內與三先生並

壽千古不將以予爲桓譚耶辛丑二月清淵社盟弟陳國球頓首拜題

并書

荆菴集  
選卷前

西青集

荆菴集  
選

佚

周天錫序予與

花萼樓集此下有李子二字

寧侯意氣出處蓋相類云寧侯以迂予

以拙則類寧侯性

花萼樓集無此字

好懶鮮所應酬予

花萼樓集作余下並同

閉室尚愚

時多暇日則類寧侯善著述月可盈咫予雖不逮而貯瘦瓢置陶甕花萼

樓集作壁筒

者頗不乏則類寧侯持論文章須已出不欲以三唐兩漢埋沒

性靈眾人性之予可之則類寧侯喜錄桑梓事予輯文逸史逸文徵獻

徵諸書互相出入互相訂正則類寧侯慎交游而予之所友寧侯之友

寧侯之友卽予之友則又類至於世道滄桑人情毀譽室家憂喜或歌

或泣或紉或伸予之視寧侯猶寧侯之視予無乎不類也而不類者寧

侯善飲子不過三蕉此三句靈侯藏書萬卷竹千竿梅百株菜畦十畝

集作有水一予環堵蕭然琴書寥寂為差花萼樓異耳然予坐靈侯西

青齋中尊酒與娛奇文共賞興酣適意嗒爾忘歸竟不知靈侯為我我

為靈侯者則予之不類者迹而類者神也類真而不類者反假也類不

類又烏乎測之哉靈侯詩文日富西青稿其一耳幽奇韶麗堅貴古雅

卓乎可傳于業已著論茲特為敘兩人寤寐之情與十花萼樓年道義

之誼聯之以意氣符之以出處俾讀斯集者知予與靈侯果能砥礪有

成而非阿私所好者也倘謂珠玉在旁笑予為魚目砒砒之類則予且

甘之矣同邑社弟周天錫撰荆菴集

荆菴集選東隱詩存三十五作荆菴詩文

四冊

存遊學齋  
臧鈔本

李氏

象震

慕菴集

華陽樓集

未見

周天錫序夫詩未有不本性情者也而音節生焉詞采著焉而身世之顯晦寓焉是故宣幽導滯則背踵皆靈貨色徇聲卽須眉亦假由其興會所屆歎唱淫佚有已所不能人所不及知者昔人以饗天親協朝廟諸金石格鳥獸此物此志也厥後新聲颺起大雅云亡劉顏割謝則襲拋霆擲霞則簾繪紅剪綵則織調鶯籠燕則褻牛鬼蛇妖則誕僞吟邨語則鄙詩之道遂夢淪不可致詰矣余友青侯之爲詩也冲和宛澹簡貴名通其大者瞻依怙恃之閒次不越韓鄂嚶鳴之外一彈再唱悱惻纏綿讀之令人動孝友之思篤交遊之誼謂非性情之極致風雅之遺規乎青侯名卿之子博學能文章乃以挾天賦日之才轉而爲白足赤髭之行跡世事若空花等功名於幻泡長齋禮佛掃空翻經人謂青侯

之逃於禪余謂青侯之進於道也攬彼冰心攄爲慧業龍門之聲價逾  
高供奉之風流不墜洵乎可歌可詠也已余旣與朱子於王次點之復  
以弁言見屬余才謝義山貢詞漫叟得無爲佛頭之穢乎哉

華萼樓集

東甌詩存三十六李象震字青侯寧侯弟諸生箸有慕菴集

林氏

必登

羅浮紀勝

華萼樓集

乾隆溫州府志二  
十七作林翰先羅浮紀勝詩集

佚

周天錫書後昔人謂雒陽園亭興廢視天下之盛衰顧興廢何常只賒  
得名園一記耳摘辭挾藻雲鬱霞蒸卽無問當年玉宇金庭朱樓碧沼  
也山川有盡唯文章爲不朽讀翰仙茲編益信

華萼樓集

東甌詩存三十三林必登字翰仙永嘉人

湯氏

應宸

甌心集

道光樂清  
縣志十

佚

道光樂清縣志十康熙歲貢湯應宸處州府訓導著畊心集

朱氏霖綠芸集嘉慶瑞安縣志九 乾隆溫州府志二十七 芸作雲

佚

案朱處士霖默齋訓導鴻臚族弟乾隆溫州府志 傳嘉慶

瑞安縣志文苑傳並有傳默齋嘗與同人締綠芸社見竹園類

序及類輯十處士蓋亦與焉故集以為名府志經籍門作綠雲

譜年詩集集誤也

鄭氏應曾懷瑜集東甌詩存三十四

佚

僅餘稿乾隆溫州府志二十九

佚

東甌詩存三十四鄭應曾字孝先號亦魯永嘉人康熙歲貢著有懷瑜

集

李氏

棟

喬堃集

東甌詩存三十四

佚

東甌詩存三十四李棟號喬堃樂清人康熙歲貢著有喬堃集

林氏

北斗

南竽初集

乾隆溫州府志二十七作南竽集

未見

續集

乾隆溫州府志二十

未見

乾隆溫州府志二十林北斗性聰慧好古其制義及古文詞無不淹博精貫著作甚富崑山徐健菴序其詩謂不在大歷下兼工書翰雅有三絕之稱所著有南竽初集續集行世

案九山林選貢北斗乾隆溫州府志乾隆永嘉縣志文苑傳並



有傳

鄭氏如夔 怡堂藏稿

佚

西園文集 乾隆溫州府志二十

佚

案怡堂鄭教授如夔乾隆溫州府志文苑傳有傳 道光樂清縣志文苑傳增傳

董氏永孚 記游草 羅陽詩始一

未見

案恆菴董教諭永孚乾隆溫州府志義行傳雍正泰順縣志孝

義傳並有傳

梁氏 社池上編詩集 東甌詩存三十八 甌乘補七集作鈔乾隆溫州府志二十七道光樂清縣志十一並無詩集二字

未見

東甌詩存三十八梁祉字介繁樂清人康熙歲貢著有池上編

甌乘補七梁祉字介繁樂清貢生遭閩寇之亂蒼皇逃竄流寓三江稽遲閩越晚乃歸南郭之池上時邑令徐公化民欲與之交常避匿不與見公後獨攜一僕造之謹然談詩終日而去

原注趙翺照梁介繁池上編詩鈔敘

案梁歲貢祉道光樂清縣志文苑傳有傳

謝氏

天埴

謝坦齋集

存

永嘉謝氏藏鈔本

家大人跋先生名天埴字亦潛永嘉人康熙庚辰進士官終河南杞令武陽令包京之孫也郡志循吏傳稱天埴爲文如行雲流水而不言其有坦齋集包京兩雁山人集及天埴子立與可自怡集郡志經籍皆著錄亦無坦齋集予頃以蒐採鄉先輩書徐君蒞生從其友張君處得此本凡詩古文及令杞時宦牘文字都爲一帙末有事實一篇載其在杞

政績而邑人去思碑附焉集中文多近俗詩亦未爲深詣而沖和真樸處乃有似元次山白樂天者志所謂行雲流水殆指其詩而言歟然予觀去思碑所稱先是治杞者箕斂則有私派征糧則有重耗供官則有行戶行市則有雜稅詞訟則有請託糧額則有欺隱公愀然曰民瘥我矣不忍踵此以自肥也用是一切禁絕而志亦稱其丁外艱歸卒門下士至不遠數千里來祭然則先生豈欲以詩文名者哉碑又言其祖兩雁以名進士宰武陽多惠政也邑人爲立祠五柳集其後復入河南名宦祠而今郡志兩雁顧列義行傳不言其宰武陽事則志乘之所遺者多矣兩雁集自怡集今皆未得見僅於徐君得見此本亦殘蠹損矣因爲擇其雅潔可誦者別爲一編錄而存之先生詩文雖非其至而祖孫先後繼爲循吏有惠澤於民如此則其文字不尤可寶貴也哉此本題曰謝坦齋集而去思碑言先生號尋齋皆郡志所未載也同治丁卯二

月城南寓廬

案坦齋謝知縣天埴武陽知縣包京孫乾隆溫州府志循吏傳

乾隆永嘉縣志仕績傳並有傳

呂氏

弘諱

葛溪詩集

乾隆溫州府志二十七平陽縣志十九作葛溪詩文集

乾隆

佚

邵氏

失名

蓮塘詩稿

乾隆溫州府志二十七題邵古帆

佚

乾隆溫州府志二十七蓮塘詩稿邵古帆箸永嘉人

案邵古帆蓮塘詩稿見府志經籍門攷東甌詩存三十八載胡此齋璜有贈虎溪古帆邵丈詩則古帆當爲字與別號府志失其名耳胡詩有上友無須書甲子素心聊爾守庚申之句疑古帆爲明末遺民入國朝遯跡不仕者虎溪地無可攷

徐泉村集亦有

秋夜同古帆物先素心諸公  
翠微院分韻詩疑亦即此人

胡氏

瑾

此齋詩稿

東甌詩存  
三十八

佚

朱氏

鴻增

半霞樓詩稿

嘉慶瑞安  
縣志九

佚

乾隆溫州府志二十朱鴻瞻弟鴻增與邑人林青雲同受業於瞻登康熙癸酉經魁爲一時名士

東甌詩存三十七朱鴻增字長任號范菴瑞安人康熙癸酉舉人

張氏

晉岳

菴集

乾隆溫州府志二  
十七題張牧友

佚

乾隆溫州府志十九康熙府學歲貢張晉岳

東甌詩存三十七張晉岳字牧友永嘉諸生

薛氏

英

春曉園詩文集

乾隆溫州府志二十七

二十文苑傳作青曉園雪堂詩文集道光樂清縣志八同

佚

案雪堂薛教諭英侯處士思炳子出繼薛氏乾隆溫州府志咸

豐樂清縣志文苑傳並有傳

林氏

上梓

乙丙集

乾隆溫州府志二十七

未見

林慕橋詩

四卷

嘉慶瑞安縣志九

未見

雙林軒集

嘉慶瑞安縣志九

未見

調鶴軒集

嘉慶瑞安縣志九

未見

淪雪軒集

嘉慶瑞安縣志九

未見

嘉慶瑞安縣志九林慕橋詩四卷林上梓撰有乙丙雙林軒調鶴軒淪雪軒等集

案慕橋林嘉定上梓乾隆溫州府志嘉慶瑞安縣志循吏傳並

有傳

陳氏

王綬

畱燕襍咏

乾隆溫州府志二十七

佚

續咏

乾隆溫州府志二十

佚

案陳南陽王綬明參議堯言曾孫處士遴子乾隆溫州府志循

吏傳乾隆永嘉縣志仕績傳並有傳

胡氏時霖水鏡亭稿嘉慶瑞安縣志九乾隆溫州府志二十稿作集嘉慶瑞安縣志八同

佚

案三峯胡訓導時霖乾隆溫州府志嘉慶瑞安縣志仕績傳並

有傳

柴氏輯青西高秋集句

一卷

存康熙丁酉刊本

丁亥花朝予養疴綠竹園中杜門謝客維時文杏半開海棠欲蕊危坐  
紙窗忽覺涼颼颼然披拂几席因檢閱案頭得岸公西高秋集句諷讀  
數過真不啻置身天津河鼓間冷露灑灑沁人肌骨也昔劉褒作雲漢  
圖見者自然覺熱及作北風圖熱者復覺涼詩畫一理又何疑焉至若



集翠爲裘天衣無縫此則存乎天姿與力如大冶之鑄巨鐘當其浸淫  
鎔液時五金雜投無所不化曾何足爲岸公異社弟朱鴻增拜題

岸公者吾家阿戎也自其曾大父繼於柴遂爲柴岸公之角巾時便有  
了了之稱比長肆力鉛槧不屑屑束縛時藝沈酣於詩賦古文詞每有  
簪作亦多可觀至集句則其所長一旦出其友人所慙愿授梓西高秋  
五言律詩三十韻請評隲於予予讀之覺金風景況雖惡猶酣客子情  
懷善樂不苦言言如出己手語語恰在箇中力能役使古人不爲古人  
所役使其尙有支吾湊泊畱鍼縫痕於狐腋乎見者當勿與災梨禍棗  
同嗤梅崗主人董曾約如氏題

此昔者岸公客尖山時所集唐句也意頗自得王辰花朝遊鳳川袖以  
告余曰同人趣授梓願叔父評隲可否之或惠弁言續雖謀諸劖劂氏  
尙未有成書曾幾何時迺變也忽焉王子敬中捐人桀俱痛蔡中郎無

後鬼餘堪悲何有於遺榭殘簾遂束之高閣不幾供賣菜傭覆醬甌乎  
幸契友唐馥若於經紀後事後又念其嘔出心血獨在文章隴西客去  
忍令其古錦囊同沒乎將凡所著作皆代什襲而藏每吟咏於知己之  
前墓草病矣猶聞空山慟哭聲茲姻家林伯安伯俊賢昆季感念生平  
追尋風雨哀其無聞補其夙願共捐橐金重鈐爰檢原稿付之光氣如  
生呼之欲出恍覺當年之聲音猶有可追獨惜其人與骨則已朽矣噫  
世情乃爾誰與死者作緣三君子獨憐才懷舊詩賴以傳存歿之證甚  
深吾爲之快然旣而思杜少陵云千秋萬歲名寂寞身後事又不禁爲  
岸公泣數行下康熙丁酉花朝前八日蘭谷老人曾再跋

柴君董穆一時豪士也六藝皆能涉獵自少遠遊吳會荆湖間歷名山  
訪奇士磊落不羈慷慨自許有不可一世之慨遊方壯念感白雲一朝  
治裝別朋賓歸省其親生事死葬誠無不竭夫以放曠之士能篤天性

彼拘謹畏縮者寧不望而生愧哉余向未與君交其行事不可熟識康熙甲午春民飢邑有施粥之舉相與共事粥場觀其區畫具有條理經濟宏才已於此窺見一斑矣願自負壯懷弗獲一展中途捐棄曠後星孤豈造物忌才偏有以厄之耶然猶賴有曹川林氏伯安伯俊兩昆季夙負奇氣與君甚相得繼訂姻誼既經紀其後事復刊其所著西高秋集古三十律雖餘藝不能盡布而覩此足想見其生平誠可藏名山而垂不朽也誰謂君竟湮沒弗彰哉康熙丁酉元正同邑陳毓聲鶴皋氏跋

自引 不錄

李宜椿跋 不錄

案柴岸公字董穆瑞安東山人  
事跡無攷據朱鴻增等祭文附刊  
末有甫當弱冠軫念民窮上書言事名震鉅公議行而蹶未遭

其成之語蓋亦倜儻卓犖之士也今所見集唐詩三十首以西  
高秋爲目每韻爲五言律一篇組織工穩如自己出自注客尖  
山時所作首有小引不著年月屬語佻淺尙沿明季才士之習  
不及其詩也刻本據董曾陳毓聲跋謂林伯安伯俊昆季所刊  
冊尾增林聖恭祭文伯安或卽聖恭伯俊名則無可攷

黃氏

朝珪

仙山集

華萼樓集

乾隆溫州府志二十七作黃信侯誤

佚

周天錫序詩殆難言哉嘉隆之季單取聲詞而或訾其襲竟陵代起崑  
攻幽峭而或病其纖近虞山論出則遠推國初之渾融正大下斥慶厯  
於不道太倉又或非之迄今未有定也詩殆難言哉夫古詩昉自晉魏  
近體備自三唐尙流連興會必拾餽飭竊膏藩以自潤摹擬者因失矣  
若鈞隱索渺淪入鬼怪蛇妖又豈性情之正乎信侯黃子之爲詩也其

音冲以和其節秀以達軌而不膠鮮而不窕辟彼朱絃疏越綽有餘閒  
又如塵尾玄譚都無俗響繇其恃己者貴故外不得而奪之取物者宏  
故中不得而隘之也異哉黃子深乎詩矣黃子負異姿讀書慕古作制  
舉業名噪膠庠閒鳳彩鸞章羽儀當世行且歌鹿鳴而廣天保此特其  
嚆矢耳雖然尤異焉坦園先生爲詩壇宗匠篇帙流傳學士家奉爲矩  
矱而芄若浪有兩翁長篇短什挾藻揚葩卽黃子之祖若父若叔也珠  
聯玉綴聚自一門家乘國書侈爲盛事余序仙山集因及其貽燕之相  
承塤篪之遞和用志嚮往又以知黃子之沈心厚力卓乎成一家言而  
非隨風會之升降爲遷流也

華莒樓集

東甌詩存三十四黃朝珪字信侯永

案黃信侯事蹟無攷據周楞菴敘葢坦園生員宗揚之孫

宗揚有坦

閱詩集前卷已著錄

芄若歲貢芳少之子也

東甌詩存三十四黃芳卿字

敘所偏信侯  
叔懷有無攷

章氏

蓮花居集  
荆菴集選

伏

李象坤敘士之負瑰異者類必不可一世視宙合如樊籠苦衣冠如桎  
梏卽或偶向人間作寒溫語亦必如李北海塞鼻寫碑文止見其不堪  
處赤城霞起而建標大奇大奇生平曾見此異人哉以故貯爲胸臆必  
五嶽可蟠不爲石圍瓦壓也深爲學問必乾竺古先生或函關老子不  
必盡尼山聖人也發爲詩文必遊僊招隱飲聖詩禪不必盡詞壇藻繪  
也廣爲交遊必簪薤高流或青樓殊豔以迨擊筑椎埋屠釣之俠不必  
盡文人學士也恣爲譚論必嘯咤不平之事劍僊奇鬼資其談啁流連  
如管公明旗鼓枝葉不必盡徐吟緩咳也是當於尋常流品外別設一  
位署置之今吾所交起陽章君非其人耶起陽幼而任俠千金在手可

一夕散去已而與黃冠者遊得房中鉛汞之術晚乃親近金粟費雲踪  
鶴影莫可方物嘗修煉於飛霞山又嘗五遇呂祖坐松陰瀑下聆起陽  
緒論覺烟雲冉冉從衣袂中出當代顯人以及知名士爭傾慕執轡起  
陽亦姑領之如蝶羸之與螟蛉也蓮花居稿爲起陽哀所作詩若文其  
若干卷予讀邵水部序謂起陽能詩水部故不知及得所蓄稿讀之乃  
始擊節驚嘆幾疑有兩起陽復援蘇長公幾失毛澤民事以自釋噫嘻  
是何足異夫詩與文皆所謂世間文字也彼得道真僊與西域化人何  
知有世間文字而特應真此中故遂卽中華所有文字以發抒之耳謂  
僊佛猶拾此閒墨瀟可乎然則起陽之未以能詩名非不詩也詩貯臆  
中耳迨起陽之竟以能詩名非今而後詩也詩落紙上耳今此稿具在  
鏤雲斲日濯露吸霞卽羣當世知名士嘔心肝以敵之亦必辟易三舍  
起陽洵異人哉吾甌精二氏之學者若無相親覲曹溪其證道歌永嘉

集盛傳於世而吾甌有唐文字亦僅止此林侍宸夏西城最顯於宋所  
箸青牛歌悟真篇俱闕不傳存則人亡則書文亦烏可少哉白石生云  
天上無不識字僊人則學僊人者又何可不識字予故次而序之欲其  
副在人間不惟緘之飛霞片石也

荆菴集選

張氏

元彪燕吟東甌詩存四十

存永嘉張氏藏鈔本

吳吟

東甌詩存四十

存永嘉張氏藏鈔本

粵吟

東甌詩存四十

存永嘉張氏藏鈔本

甌吟

東甌詩存四十

存永嘉張氏藏鈔本



哀思百鳥吟

存永嘉張氏  
藏鈔本

家大人跋張虎文父子詩集後松濤閣詩曰甌吟吳吟燕吟粵吟哀思  
百鳥吟者凡五種永嘉張元彪虎文箸柿園詩二冊不分卷數則虎文  
子正宰所爲也虎文詩有張芸墅王西莊侯夷門諸序跋而正宰詩錢  
唐袁簡齋爲之論定皆有推許語蓋虎文父子當時固以能詩名者矣  
予考郡志循吏傳言虎文所箸尙有家鑑而百鳥吟顧無之柿園集則  
郡志亦未箸錄殆修志時正宰集尙未出歟張芸墅序稱虎文詩假途  
漢魏接迹漢唐誠爲過譽獨西莊言以性靈勝則近之矣而柿園集予  
亦恨其詞勝於意蓋於詩皆未爲詣極然循吏傳稱元彪父式雷素多  
病湯藥必躬調以進父患齒血出百治不效元彪呼天請代卽夕而愈  
及其以拔貢爲海康知縣抵官日於城外飲陸公泉賦詩勵志颶風爲

灾元彪請發倉廩及軍需銀以賑府持不可元彪奮曰必待報可而後賑則我民轉溝壑矣專擅之咎某任之不以累公卽賑如法所活數萬人尋以親老乞歸父臥病不解衣帶者彌月父卒哀毀成膈疾然則虎文固孝子而良吏也嗚呼天下文學之士務自繪飾爲名聲及其施之事爲往往顛倒錯亂而無足觀而汨沒於貨利以自喪其守者皆是也至於門內之行求其誠篤而無憾蓋已少矣如虎文之行有本末又何必以文重而其文顧不愈重哉張氏永嘉望族而虎文世居郡城松臺里郡選舉志有康熙壬午舉人張式霈式霈子有乾隆丙辰舉人張元旭甲子舉人張元觀元觀嘗爲國子助教亦能詩有願齋集王西莊嘗爲之序而今不可見矣虎文於願齋爲從兄而虎文爲雍正己酉拔貢子正宰副貢正甯拔貢蓋百年以來永嘉人士能以讀書科第世其家者甚可慕也同治丁卯二月

案張海康元彪乾隆溫州府志循吏傳乾隆永嘉縣志仕績傳

並有傳

陳氏

敦讓

南雁山人集

東甌詩存四十一

乾隆溫州府志二十九並作雁南詩集

未見

漱芳文集

乾隆平陽縣志十二

佚

案陳長甯敦讓乾隆溫州府志仕績傳有傳

徐氏

炯文

春秋韻語

乾隆溫州府志二十七

存

樂清徐氏藏本

周長發序予友樂清徐子炯文經明行修士也歲乙酉以手纂三經彙解質予薈萃羣言折衷至理粹然爲儒者之言其邃於經也予蓋知之稔矣今復以春秋三傳中列辟羣工綜覈二百四十年閒時事獨出偉

論作爲古風以判廢興而別邪正斯益精矣夫詩之教溫柔敦厚春秋之教比事屬辭或者疑古聖垂訓之意各有專旨非可以強而合之也然獨不聞詩亡然後春秋作乎詩之作也有美有刺緇衣以示勸巷伯以示懲此其義亦大彰明較著已春秋一魯史也一字之褒榮於華袞一字之貶嚴於斧鉞非體詩人勸懲之意而凜然大義之不可假易乎則以春秋繼詩之亡何不可以詩釋春秋之義也蓋春秋自左氏公穀而外有鄒夾二氏其書皆不傳漢興胡毋生董仲舒並治公羊春秋一時弟子如蘭陵褚大東平嬴公輩皆能不失師法瑕丘江公受穀梁春秋及詩於魯申公厥後魯榮廣皓星公蔡千秋梁周慶受而卒業焉左氏作傳以授曾申閱數傳至漢張蒼賈誼均祖其說迨劉歆王朗何休鄭康成諸儒之說出而左氏到今衍其義春秋之學亦旣詳哉言之矣徐子取材三傳而論斷俱準胡文定故其沈鬱頓挫一似胚胎少陵而

其磊落光明又絕類君鄉梅溪王公嗚呼汲古如徐子可謂好學深思  
宏雅博物君子矣安得吾黨之士起而師其意以肆其力於經而知詩  
與春秋之意皆殊塗而同歸也

道光樂清縣志十一

李氏

國選

青崑詩集

乾隆溫州府志二十七

佚

案青崑李知縣國選廩生君城子乾隆溫州府志咸豐樂清縣  
志仕績傳並有傳

林氏

元炯

愛日樓詩

嘉慶瑞安縣志九

佚

對松哦

嘉慶瑞安縣志九

佚

乾隆溫州府志二十林上梓子元炯選貢沅陵丞

溫州經籍志

卷三十

東甌詩存四十一林元炯字謙光瑞安人雍正乙卯選貢官沅陵丞

周氏

天履

殘稿

乾隆溫州府志二十七

佚

案周處士天履乾隆溫州府志道光樂清縣志義行傳並有傳

黃氏

雲岫

靜觀樓詩集

東甌詩存四十一

未見

案黃國學雲岫乾隆溫州府志乾隆平陽縣志文苑傳並有傳

蔡氏

宏勳

雪齋詩外集

東甌詩存四十一

未見

案雪齋蔡處士宏勳乾隆溫州府志乾隆永嘉縣志文苑傳並

有傳

林氏

文朗

靜齋小草

東甌詩存三十九

乾隆溫州府志二十七並作靜齋集陶小草

未見

東甌詩存三十九林文朗字季蝠樂清諸生箸有靜齋小草

乾隆溫州府志二十七靜齋集陶小草林文朗箸彭啟豐有敘

案以下七人事跡並無攷其集並載乾隆溫州府志經籍門當  
係雍正以前人今彙附於此

林氏

文煥

博笑集

東甌詩存三十九

未見

東甌詩存三十九林文煥字友斐樂清諸生箸有博笑集

何氏

應溥

修閒居士集

乾隆溫州府志二十七

未見

東甌詩存三十九何應溥字天如永嘉諸生

案天如子愈楷乾隆歲貢見東甌詩存四十三

王氏之揮存誠齋集乾隆溫州府志二十七

佚

案以下五人籍貫並無攷

永氏公亮不孤齋集乾隆溫州府志二十七

佚

陳氏日堯酣叫集乾隆溫州府志二十七

佚

釋雲崙深雪草堂集乾隆溫州府志二十七

佚

釋素心羅峯集乾隆溫州府志二十七

佚

胡氏清約園詩集東甌詩存三十四 嘉慶瑞安縣志九約作素



佚

東甌詩存三十四胡濬字維深瑞安諸生著有約園詩集

案以下四人事跡並無攷東甌詩存錄其詩次康熙雍正諸人  
閒今增於此俟更攷定

王氏 漢孫 自怡集 東甌詩存三十四

未見

東甌詩存三十四王漢孫字長雲詠子著有自怡集

梅氏 占魁 磨玷齋集 東甌詩存三十九

未見

東甌詩存三十九梅占魁字亦九號溪菴永嘉諸生著有磨玷齋集

釋一覺 鋤餘集 東甌詩存四十五

佚

東甌詩存四十五一覺字悟生號均軒瑞安人九峯寺僧著有鋤餘集

謝氏鳳才

梧岡集乾隆溫州府志二十七

佚

乾隆永嘉縣志二十九乾隆府學歲貢謝鳳才家貧好學工詩文

案謝歲貢鳳才字聖遷見陳鏡帆東甌文存目錄

朱氏鏡物

東村遺稿東甌詩存四十二

未見

東甌詩存四十二朱鏡物字鑑凡永嘉人乾隆歲貢有東村遺稿

延綠堂遊仙詩選

鳳乘補十二乾隆永嘉縣志二十作延綠堂詩集

未見

陳遇春東甌文存東村先生素有文名明經馬茶圃刻其遺稿小遊仙詩七絕句一百餘首讀之清空一氣皆天籟也

甌乘補十二延緣堂游仙詩選王執玉序永嘉朱鏡物著

余氏學禮文航漫錄

二卷

未見

嘉慶瑞安縣志八余學禮著有姓氏箋林四卷及詩二卷待刻 九文

航漫錄余學禮撰

曹氏川印浦詩文稿甌乘補十二

未見

甌乘補十二印浦詩文稿曹川簪未刻

乾隆平陽縣志十二乾隆拔貢曹川居府城考選教習

孫氏

希旦求放心齋詩文集家大人敬軒先生行狀嘉慶瑞安縣志九作孫編修文集二十卷

佚

子諫敬軒府君行述所著文集約三十卷

瑞安孫氏錄本

家大人敬軒先生行狀著有求放心齋詩文集若干卷而詩尤清遠有王維孟浩然之風今他文多散軼而詩特爲世所傳誦

林氏

露杞巖詩集東甌詩存四十二

未見

案杞巖林郢城露嘉慶瑞安縣志文苑傳有傳

余氏

永森瀟麓齋詩集東甌詩存四十二

未見

東甌詩存四十三余永森字庭樹號蓉谷國光子乾隆甲午舉人著有

瀟麓齋詩集

張氏

天樹

旅中草

羅陽詩始一

未見

羅陽詩始一張天樹字兼木一字文麓邑諸生所著有旅中草

周氏啟邠葵園襍咏羅陽詩始一

羅陽詩始一周啟邠字公居號聖村貢生所著有葵園襍咏

案張兼木周公居二人時代未詳羅陽詩始錄其詩在曾復齋  
前今錄於此

曾氏鐘復齋文集

二十一卷

存嘉慶庚辰刊本

文所以載道五經四子書載道之文盡焉矣後世著述代出凡在通儒  
類各有說顧經書之文得後儒之說而其道益明亦有經後儒之說而  
其道轉晦者凡以汎言夫聖賢之道說者殆日精細語夫經書之文說  
者難皆推也此其閒或出一時之見或承師說之訛學者讀聖賢書信

道期篤而見聞貴多亦闕所疑殆焉斯可也何事窮其說而必自爲之說嫌於入吾室操吾戈之所爲哉雖然五經四子書斯道之規矩權衡猶生人之於布帛菽粟也其道不可一日離其說斯不容毫釐差愚以爲欲求聖賢之道莫若還理聖賢之書欲正經書之說莫若還從經書之文竊嘗持此意以矻矻窮年而眾說之紛歧於此辨卽經書之眞贋亦自此分今此首且皓然白矣雖從俗宦每夕當公退之餘一燈獨坐率手展一編反復涵泳久之終覺不得不自爲之說有更無庸多讓者因取向所得之火中幾首經說并追述所未錄補作所未詳以付剞劂至於生平所閱歷若問荅記序之文於政教彝倫之道或小有關亦附集焉通計共若干卷後之學者其亦有尊信之者乎則所幸者豈直此生甘苦不至與身俱沒當亦五經四子書所樂得有是說哉時嘉慶二十五年歲在庚辰七月丙子曾鏞序

古今之治術古今之學術爲之也而要可一言以蔽之曰簡易曰易簡而天下之理得惟易故簡簡內聖外王之要道也古之聖人皆以簡自治以治其民自治簡則主一而心不亂所以執其中而無不敬治民簡則主靜而民不擾所以建其中而無不平此唐虞三代所爲以學術爲治術而天下悉相安於易知易從之理也降至夫子不獲以治術行其學術不得已乃傳其道於六經其書雖多而其旨則一無非以至簡之道爲天下後世告耳顧自漢以來解經者非失之淺陋則失之支離至今不下數千家其言愈煩其經愈晦學術不明治術因之而其蔽則皆由不簡豈知聖人之道至簡而賅是以聖人之言亦至簡而文今乃舉其直捷者而迂曲之其渾淪者而破碎之非不盡其精微毋乃傷於廣大無怪乎自漢以來學術之日晦而治術因之亦紛矣愚竊以爲六經之旨本自昌明如日月之經天也本自貫通如江河之行地也特爲之

說者障之以雲霧而使之不明塞之以沙磧而使之不通所以六經之書亡於秦火者其半而亡於諸儒之訓詁者其全也今欲掃雲霧而除沙磧則莫如盡置漢以來之訓詁而惟讀本經若此身親列聖門然乃不知有漢無論其他於是卽以本經注本經而昌明者復昌明貫通者復貫通自有以豁然見聖人之學至簡而易知易從初非如爲之說者之煩而難盡也以爲學術則簡而明一言可行以終身以爲治術則簡而決無爲可登於郅治惜乎自漢以來未有以此治經而治民者子曾子生乎數千載之後悼經學之日晦於諸儒而慨然念聖人之學之不傳也獨以聖人之經注聖人之經其爲說也乃始舉自漢以來訓詁之說而一空之第沈潛乎本文之義而經旨自出一爲之去其障而其光炯然仍如日月之經天一爲之開其塞而其流汨然仍如江河之行地於虛偉矣自有六經以來天不生吾師萬古如長夜也天旣生吾師萬



古開羣蒙也而要其爲說可一言以蔽之曰簡言簡而六經之理得矣不窻惟是子曾子之於簡學術然治術亦然今讀其文集所論自治之術剛以制心恕以濟物惟簡也是真學問也所著詩古文詞氣浩而直骨高以峻惟簡也是真文章也所答問政之書貫澈古今切中時弊惟簡也是真經濟也少壯以簡之道讀羣經以踐之於身力學復古獨得於心人罕知之惟以文名一時亦復深自韜晦不求人知及其司鐸浙水上之人有廉其學之達時務者爰薦之於朝來令東安廉而明仁而怨民感之爲德政歌榜於四衢於是人皆知其爲循吏也而皆不知子曾子之所以治東安者特學術之見於治術者之小試而其學術之獨得於簡者固爲自漢以來諸儒之所不逮而獨有以接乎數千年不傳之傳其爲功於聖門者初非人之所及知也然而其治東安者簡之爲效已可見矣昔子周子起北宋時人見其樂山水也則以爲高人見其

決疑獄也則以爲良吏獨子程子之父有以知之後乃得子程子之表章之而其學遂傳子曾子之門章不知其孰爲程氏者顧其學之必傳則天理有必不容沒而聖人之靈有必爲之佑也不然其家災於祝融火災昆岡玉石俱焚矣而此集乃歸然獨存非天之理於是在而聖人之靈陰有以呵護之有不爲灰燼者乎章不敏以丙子春主講泉蹠得謁子曾子於行館謬以爲小子可教而納之門牆乃始以生平所自晦之學而盡洩之於章章亦何幸而得聞夫子之至論也哉其素所著述多散軼無存者燼餘之文裒成此集曰吾將藏之名山傳之其人久矣予其人也勉之哉章聞而媿汗竊勸夫子付之剞劂氏以俟後之君子子曰可刊既竣章乃敬讀而跋之後之學者其亦可以知聖人之道矣嘉慶二十二年丁丑十月二十有五弟子武陵楊大章敬跋

案曾知縣鏞肇究理學宗法洛閩以拔貢爲湯谿教諭俸滿保

薦擢湖南東安知縣治尙廉恕民感其德儀徵阮太傅元桐城

汪總督志伊無錫秦侍郎瀛咸器重之所著文集爲卷二十有

一然襍文廬五卷餘皆經說也集中若荅秦觀察論防海事宜

荅汪中丞論治二書

並見集十八

及代某人擬海塘疏

十諳達利樊

足覘經世之學其他文亦簡樸有法精於譚理惟甄綜未博攷

證間有疏舛如仁說謂心之德謂之仁猶果實之心亦謂之仁

不知宋元以前本草方書果實之仁並作人也

金泰和刊本草皆作人明成化

重刊乃改作仁說詳

地大何如說謂地大如月月大如日不知

天算家謂日大於地地大如月有實測可證也

並集十九

其經說大

指主於涵泳經文推求塙詁其閒如據漢志證洛書卽洪範初

一至初九之文是數非圖正宋以來圖學之誤

集四

據春秋公穀

二傳及荀子史記證子糾爲齊桓公兄正杜預左傳集解及朱

子論語集注以桓公爲兄子糾爲弟之誤七據史記索隱證左  
傳穆陵爲楚境正杜解以爲齊境之誤八據左傳晉有中軍尉  
上軍尉國語晉有元尉與尉證月令太尉非秦官名十據鄭康  
成說定中庸蒲盧爲蜾蠃正集注引沈括說之誤十一若此諸條  
亦略涉漢唐舊詁至於辨先後天圖爲丹學集今文尙書二十  
八篇古文爰分爲三十三三笙詩非無辭五論語犬馬皆能有  
養犬馬非席父母四大學無錯簡缺文在親民當從古本五之  
類亦能不囿於宋學之門戶惟其中多論虛理往往憑臆窺測  
又在喜譚文法尤非詁經之體至其獨標心得自矜扞獲者又  
多儒先所已言如論易尊酒簋貳用缶當讀貳字句斷則不知  
王弼陸德明已有此讀集論詩騶虞叶韻之誤亦未攷陳第顧  
炎武諸人之說五則信手成篇不甚攷覈之弊也至於易說三

十三篇乃其生平所最愜心者然其易爻說謂爻卽變卦一卦之變凡六十有三六十四卦實四千三十有二爻今爻辭三百八十四非完書則執焦贛易林之例疑文周之經易象說二篇又皆漢儒之陳言連篇累牘徒費簡札其餘亦尠精論蓋復齋之治經其長在於獨抒所見絕不依附前人其短在於自信太過不復博稽古訓瑕瑜固兩不相掩也

復齋詩集

三卷

存

嘉慶庚辰刊本

余嚮爲集生平舊詩草曾記以詩皆實情也旣小成拙集卽以此爲自序可矣其終篇云豈有他可取一真堪自怡謂不堪持贈人也夫真耳何爲又堪自怡乎哉雖然真亦焉敢易言也嘗觀詩三百篇自受釐陳

戒與凡主文譎諫之作其寄託愈無端其辭情愈真摯凡所爲正得失  
動天地感鬼神莫近於詩者非真何以哉至於五言肇自漢京若蘇李  
贈荅與無名氏十九首其纏綿忠厚恂恂浩歌所以遠出後人者則以  
其觸發之真有非後人可得而倣者在爾他如陶靖節胸次浩然天真  
絕俗無意爲詩而其詩之不可及亦卽在真杜少陵胸次閎闊天姿  
厚說者謂其詩都從一副血誠流出亦惟真然也竊嘗謂學者凡爲詩  
文莫要於真儒風骨非真不峻言旨趣非真不永辭不真斯濫情不真  
斯誣真又易事乎哉自惟鈍拙非情到萬難已未始有詩其鳴出自不  
得已故其辭雖鄙俚不足觀而此身之所閱歷與此心之所感發卽事  
過境遷越數十載但取舊作試自長吟不勝猶自有永歌不足有味乎  
言之者惟於當日事情此生甘苦未嘗少有所虛假故以爲一真堪自  
怡云爾抑未知無幾拙集以云理性情亦少有可采焉否邪時嘉慶庚

四卷

存

樂清施氏刊本

釋耒集者樂成半畊堂居人之所作也居人姓施氏其所居之邨曰蟾河河有六洲故自號六洲生安居食貧傭工藝殖春畊綠疇秋刈黃稻取其稗粒以供王稅擷園蔬以充庖醢酒以泛觴漁釣河濱擊鱸膾鯉晨夕自如以度歲月性慤愚不諳世事不慕繁華惟於文章嗜之不數居常隨興荷鋤行吟隴畔所見景物瑰奇人事變遷有觸於中必寫以文故凡陰晴雨雪之朝星霜月露之夕起居酬接歡愉悲憤之際釋耒鋤輒搦管呻吟不計工拙意之所趨卽煩楮墨畧無容心也故其文如邨霞如野綠如古木翹出而瘦曲如山石肖物如欲缺不周如幽澗出泉自流而自鳴蕭淡無華簡率不莊田野之態也每畊耘暇披卷繙閱有見而嬉笑者有見而慚愧悲賦交集者有見而怒目切齒者作之

情不一致故文不一致也文不一致故閱之之情亦不一致也然不敢  
誇於眾惟良朋至則出而示之相與臨瓜酌酒究其是否有教則改之  
不吝故稿多塗注如此者若而年積爲文若干首有數十言成章者有  
多至百千言成章者俱裒而藏之名之曰釋耒集或曰而文旣集之矣  
無序盍請於大人先生居人復之曰物之急於用者非先容無路故下  
和一盼璞玉珍奇孫陽裏足驅蹄淹棄若斯文也方且寫曲野之閒情  
譚幽人之細事不敢問世奚邀靈於孫下耶乃研墨拂楮自書其故於

簡首

自序

山水之與文章交相益者也宇內名勝不經文人之筆舌則不顯而文  
章瑰奇尤山水之助居多焉然亦有不能兼焉者葆淳閣集四無焉字嘗見處城  
市者起高臺飛觀瞻遙山之寸碧俯遠水之一泓且鳩石尋邨穴溝借  
湑流連嘯咏而不自已至於家在深山聽泉倚石無輪飢蹄渴之苦往



往以爲寥戾岑寂而去之蓋其領會有不同者矣樂清東南山水窟也

施子生長其閒巖居川觀之暇懷鉛握槧積成卷帙持以質正

葆淳閣集作求

序

於余余將何以益施子哉然余家西秦當龍門華嶽之間又嘗歷燕

趙韓魏齊魯吳楚閩越之郊山川風土時往來於懷且屢膺衡文之任則文章又余分內事也因取其釋耒草覽之其紀游者居十之三四至辯論書序諸篇俱有法度不爲輕佻纖穢以虧其正氣也不爲牛鬼蛇神以肆其誕幻也較之古人未知何如而其不事剽竊不詭正理如峯之出雲水之興波大抵非務爲文言以華世者庶幾不背如古之作者與矧夫龍湫雁蕩謝公屐齒所不到其渾樸元氣未經發洩則施子之文未必非山水爲之也余按試浙東天氣漸寒木葉未脫迫於官程未及遍探奇奧所過佳山水未嘗不停車流覽見壽藤古樹杈枒蟠結於幽巖絕壑中時時彷彿施子之文施子昔曾志雁山矣今雖老神明未

衰尙其益肆力於文而以其鄉之山水一一志之并卽寄余以供余之臥游也夫乾隆三十八年癸巳初冬督學使者韓城王杰書於甌江試院

昔太史公周覽宇內名山大川以胸中之奇氣與山水之奇相遇遂發爲宏肆沈雄空前絕後之大文章故余嘗謂天地閒之奇山水卽天地閒之大文章吾人苟有得乎山水之趣則奇山水卽在胸中而大文章自在吾筆下矣今於施子六洲益信余家居時已聞樂清有施子曠達士也少年鏖戰場居不得志遂放浪於山水閒借筆墨以自鳴及余秉鐸樂庠施子於癸巳後三月持其所著釋耒集示余余受而讀之欽崎歷落渾脫瀏灑旣非臺閣之癡肥亦異山林之寒瘦三復後恍置我於盤岡複嶂流水懸泉之閒施子非有得於山水之趣亦何能濡毫吮墨爲是文章以自表見哉余因之有感矣樂成故多佳山水而雁蕩龍湫

之勝甲於天下施子每遊其閒輒畱連旬月而返凡幽隱詭怪之境爲  
山僧野叟足跡所不及者無不一一搜剔故嘗著有雁蕩山誌爲當時  
名公鉅儒所識賞一披覽焉則知名山如五岳與夫神幻之峩睂秀麗  
之武當曠蕩之終南峭嶮之三峽以至匡廬武夷天台羅浮太行五臺  
諸名勝水則黃河之迅急長江之洶湧錢塘之怒激洞庭彭蠡震澤之  
浩淼其天然雄偉工巧無復有過於雁蕩者而施子浸淫其中領畧其  
妙是舉天下之山水何一不納諸方寸中又何必如太史公之周覽名  
山大川然後激發其奇氣哉昔謝靈運癖於山水靡所不至獨失一雁  
蕩千古憾之今施子於雁蕩如是可無遺憾則施子之有斯文宜矣持  
此以告施子施子其以爲然乎卽以此弁於篇首可也時乾隆二十九  
年歲在甲午仲春中浣三日龍岡張凌霄頓首拜譔

雁蕩二十八記序山我取奧也書我取奧衍也汲古也游也入其奧取

獨也我至焉人亦至焉人與我同嗜焉非奧也有奧者焉畏不敢入也  
蹇不能入也易與爾不求入也謂之不讀古不游爾矣不讀古不能游  
也不游不能讀古也雁山者奧區也六洲施生能遊焉其游無徒也窮  
山洹寒沈思獨往變幻喜愕端倪呈露生所入奧之奧者也游而記之  
如其游也無畏無蹇無易心爾生可謂能汲古矣其游乾隆癸亥冬也  
以紀游質余丙寅秋也五載矣余弗暇評騭生請之五載矣評而歸之  
庚午十月三日也學山金洪銓

釋耒集  
卷首

案施六洲釋耒集凡文八十四篇游記殆居其半冊首附金知  
府洪銓雁游二十八記敘然集中所載遊雁山記實止二十三  
篇殆編集時有刪併也

此記初彙蓋欲單行故金爲之敘今既  
無別本且篇數又復有刪併故不復著

其目於地理類而  
附錄金敘於此

記文奇崛足與五峯十記並傳他文亦清矯

無俗語惟取材少狹故往往工於小品而窘於鉅篇尙未能韻

顏古人耳

馬氏

世俊

夾鏡亭詩草

東甌詩存四十三

未見

東甌詩存四十三馬世俊字挺秀永嘉人貢生著有夾鏡亭詩草

甌乘補十二夾鏡亭詩集金姓序永嘉馬世俊著

王氏

涵

清輝齋藏稿

東甌詩存四十四

佚

東甌詩存四十四王涵字南永號龍川永嘉人乾隆歲貢著有清輝齋

藏稿

張氏

綦母

船屯漁唱

甌乘補八

一卷

佚

甌乘補九張潛齋蔡母曰平陽故橫與船屯也志勑於元初後代有增  
修其軼乃時時見於他說泛覽之暇并及謠傳綴爲韻語一百首敢附  
采風之作聊備榜人之歌云爾

原注船屯  
漁唱序

案張潛齋亦字潛哉平陽明經嘗從鮑渌飲廷博鈔林霽山集

蘇璠霽山集跋稱其好古工吟咏

詳十九卷林  
霽山集下

謝氏立自怡集

乾隆溫州府  
志二十七

佚

乾隆溫州府志二十謝天埴子立詩翰亦韶秀箸自怡集任白水令

東甌詩存四十二謝立字與可天埴子任白水令

徐氏

邦垓

慕南文集

道光樂清  
縣志十一

卷

存

樂清徐氏  
藏鈔本

道光樂清縣志入徐邦垓居縣城邑庠生號慕南研究理學著有慕南文集冠以操存錄永嘉陳之恕謂可與儒志編並

趙氏

此

中和集

東甌詩存四十二

未見

東甌詩存四十二趙此樂清諸生著有中和集

案以下七人事跡並無攷其詩並見東甌詩存當係乾隆以前人今增於此

潘氏

青元

橘園集

東甌詩存四十二

未見

東甌詩存四十二潘青元字越几永嘉人著有橘園集

陳氏

之恕

稻園襍咏

東甌詩存四十三

未見

東甌詩存四十三陳之恕字道源永嘉廩生著有稻園襍咏

曾氏立勲隨意消遣集甌乘補十二

未見

甌乘補十二隨意消遣集曾丹橋立勲箸未刻

東甌詩存四十三曾立勲字銀川號丹橋永嘉諸生

周氏京齡幙沼詩草東甌詩存四十三

未見

東甌詩存四十三周京齡字靜山永嘉廩生著有幙沼詩草

唐氏開益東園詩稿嘉慶瑞安縣志九

佚

東甌詩存四十四唐嗣益字象謙瑞安人廩膳生

釋宗相耕餘集東甌詩存四十五



未見

東甌詩存四十五宗相字卓仁永嘉張氏子住滌溪著有耕餘集

溫州經籍志卷三十終

吳興沈維伯校